

# Lomwe Ruasse: Bible for Mark, Matthew

Formatted for Translators

©2022 Wycliffe Associates

Released under a Creative Commons Attribution-ShareAlike 4.0 International License.

Bible Text: The English Unlocked Literal Bible (ULB)

©2017 Wycliffe Associates

Available at <https://bibleineverylanguage.org/translations>

The English Unlocked Literal Bible is based on the unfoldingWord® Literal Text, CC BY-SA 4.0. The original work of the unfoldingWord® Literal Text is available at <https://unfoldingword.bible/ult/>.

The ULB is licensed under the Creative Commons Attribution-ShareAlike 4.0 International License.

Notes: English ULB Translation Notes

©2017 Wycliffe Associates

Available at <https://bibleineverylanguage.org/translations>

The English ULB Translation Notes is based on the unfoldingWord translationNotes, under CC BY-SA 4.0. The original unfoldingWord work is available at <https://unfoldingword.bible/utn>.

The ULB Notes is licensed under the Creative Commons Attribution-ShareAlike 4.0 International License.

To view a copy of the CC BY-SA 4.0 license visit <http://creativecommons.org/licenses/by-sa/4.0/>

Below is a human-readable summary of (and not a substitute for) the license.

You are free to:

- Share — copy and redistribute the material in any medium or format.
- Adapt — remix, transform, and build upon the material for any purpose, even commercially.

The licensor cannot revoke these freedoms as long as you follow the license terms.

Under the following conditions:

- Attribution — You must attribute the work as follows: "Original work available at <https://BibleInEveryLanguage.org>." Attribution statements in derivative works should not in any way suggest that we endorse you or your use of this work.
- ShareAlike — If you remix, transform, or build upon the material, you must distribute your contributions under the same license as the original.
- No additional restrictions — You may not apply legal terms or technological measures that legally restrict others from doing anything the license permits.

Notices:

You do not have to comply with the license for elements of the material in the public domain or where your use is permitted by an applicable exception or limitation.

No warranties are given. The license may not give you all of the permissions necessary for your intended use. For example, other rights such as publicity, privacy, or moral rights may limit how you use the material.



# Matthew

## Chapter 1

<sup>1</sup>ola mwaha wa yesu kristu mwana a davide mwana a abrahamu. makholo awe tala: <sup>2</sup>Abrahamu tomuyanre isaki; isak omuyanre yakobo; yakobo omuyanre yuda ni asinnawe; <sup>3</sup>Yuda omuyanre fares nizara camai aya yari tamar; fares omuyanre esrom; esrom omuyanre arao; <sup>4</sup>arao omuyanre aminadab; aminadab omuyanre naason; naaso n omuyanre salmon; <sup>5</sup>salmon omuyanre boaz amai awe boaz yari rahab; boaz omuyanre obed amai awe obed yari rut; obed omuyanre jose. <sup>6</sup>Jose omuyanre mwene davide; davide omuyanre salomao amai awe salomau yatheliwe ti uria; <sup>7</sup>salomau omuyanre roboam; roboam omuyanre abias; abias omuyanre asai <sup>8</sup>asa omuyanre yosafat; yosafat omuyanre joram joram omuyanre ozia; <sup>9</sup>ozia omuyanre joatam; joatam omuyanre akaz; akaz omuyanre ezeikia; <sup>10</sup>Ezekia omuyanre manases; manases omuyanre amon; amon omuyanre josias. <sup>11</sup>Josias omuyanre yekonias ni asinnawe, mwa elukuluku nloko na isarayeke nake rihwaya obabilonia. <sup>12</sup>Wamanlaya okapuro wobabilonia, yekonias omuyanre salatiel; salatiel omuyanre zorobabel <sup>13</sup>Zorobabel omuyanre abiud; abiud omuyanre e liakim ; e liakim omuyanre azore <sup>14</sup>Azor omuyanre sadok; sadok omuyanre akim ; akim omuyanre eliud; <sup>15</sup>Eliud omuyanre eleazar; eleazar omuyanre matan; matan omuyanre yakobe; <sup>16</sup>Yakob omuyanre yosefe; yosefe ari iya amaria, maria yola ari amannya yesu awitchaniwa kristu. <sup>17</sup>Vano ovinyawa abrahamu ophiyera davide yari mayareliwo khumi namasheshe. o vinya wa davide ophiyera okapuro wo babilonia yaritho mayareliwo khuminamasheshe, ni o vinya okapuro wo babilonia ophiyera oyariwa wa kristu yarini vano mayareliwo khumi namasheshe. <sup>18</sup>Oyariwa yesu wari wawihaha; maria amannya a yesu yakameliwe ti yosef, ehakunve okumanela, aphwanyeya arupanle ni ikuru sa munepa wawela. <sup>19</sup>Yosefe, iyawe, arimutchu orera murima, wona wi hakhwenle omuliha muru, ahupuwela omuhiya wiphini. <sup>20</sup>Opuwelaka hiha, arwa wa yowo molohani munkelo a pwiya ni alotcha ariki: Yosefe mwana a davide, ohove omwakhela maria okhala mwara -a: mwana orupaliwe ni ikurusa munepa wawela. <sup>21</sup>Onammuyara mwana onerawe omutchuwe ni nsina na yesu, ntakhara owo onanvulusha nloko nawe wa sotcheke. <sup>22</sup>Sothesene iha saphatchuniwe wi ekhwanihere masu apwiya ya lontchaya mwa mulipa miririmo, eriki: <sup>23</sup>mwali, ohitonko okumanela ni mulopwana, onamurupala ni onammuyara mwana ni itchaniweke emanuel, ti wi muluku ni hiyo. <sup>24</sup>Yosefe, ahuhumun weiye, aherano ntoko alontcheiye munkelo apwiya, amwakhela mwariye maria. <sup>25</sup>hakumanenle ni iyawe, ophiyera amuyanre mwana; yosefe amutchuwa insina nawe yesu.

## Chapter 2

<sup>1</sup>Yesu ayariwiye obetlehero o yudeya, herode ari mwene, anamiruku a elapo onakhumawo nsuwa yarwa o yerusalemu ekohaka: <sup>2</sup>orawi mwene a yuda oyariwe hihano? ntakhora nohona etheneri awe onakhuma wo nsuwa, nave norwela omwepesa. <sup>3</sup>Iwalaiye hiho, mweneherode ahukhuliwa, ni atchu othene oyerusalemo vamoha ni yowo. <sup>4</sup>Vano ahathukumanya anamukutcho ni alipa orepa othene ni ahakoha yowo elapo yaromoleliwe oyariwawo kristu. <sup>5</sup>Awo yamwakhula eriki: obetlehero, oyudeya, wona wi mulipa miriamo alotcha ariki; <sup>6</sup>Weyo betlehero, elapo yo yudeya, hoyenvero veri va mapoma matokotoko o yudeya ntakara wa weyo toni okhumewo mwene awetchiha nloko naka na wi isarayeleyo Vano herode awitchana okhwipi anamiruku yawo ni anakoha elukuluku eneyonnaya etheneri. <sup>8</sup>Nave aharuma o betlehero ariki; haweni, mwakohe phama samwana yowo ni, mwamphwanyawo, mukoke, mukilele, wi miyotho kiyewo kamukokhorele. <sup>9</sup>Anamiruku awo, yamwiwalaya mwene ole, yapwaha. etheneri yonnaya onakhumawo nsuwa, yanetcha vaholo vaya, ophiyera ariyevo mwana, yemela vasulu. <sup>10</sup>Nave awo yonnaya etheneri, yahakalala vopwahaha. <sup>11</sup>Yavolowa mpa, empwanya mwana vamoha ni maria amannya. ya kokhora emuchichima, nave yataphula mirupa saya envaha mwana muhakhu aya; eworo, erupani ni mure. <sup>12</sup>molohani mwaya yaleliwa wi ehikokele wa herode; yarowa owannyaya ekunishe ephiro ekina. <sup>13</sup>anamiruku awo yatchimulaya, munkelo a apwiya wa yosefe molohani ni amulela; vinya ;omukushe mwana ni amannya ni otecha wele oikuputo .okhale wiwo ophiyera elukuluku kineraka kolele ntakhara herode onasha omwipha mwana”; <sup>14</sup>yosefe avinya ohiyu, amukusha mwana ni amannya ni atchimula ayaka oikuputo. <sup>15</sup>akhala wiwo ophiyera okhwa wa herode, wiyereye yalotchiwe tiapwiya mwa mulipa miririmo wi; oikuputo komwitchanawo mwanaka. <sup>16</sup>vano herode, onnaiye wi awokiwa tianamiruko yawo, atepa onyenyeya ni aruma owipha anamwane othene ophiyera a miyakhamili obetlehero ni a ilapo ikina sawatchamela wiwo, ntoko mwa elukuluko yeyo, akohilaiye anamiruku awo. <sup>17</sup>hiha yahakhwanihiwa masu alontchaiye mulipa miririmo yeremiya ariki; <sup>18</sup>onniweya okhuwela orama, mutchu onanla opaka ikutcho. Ti rakel onawunlela anawe. Hanamaliheya ntakhara arimela. <sup>19</sup>akawilaiye herode, munkelo a apwiya ahoneya wa yosefe molohani, oyikuputo, ni ahiwa yowo; <sup>20</sup>vinya omukushe mwana ni amannya ni okokele wa elapo ya wi isarayeleyo, ntakhara yale yakhwela omwipha mwana, akhwa. <sup>21</sup>yosefe avinya, amukusha mwana wisarayeleyo <sup>22</sup>vavo iwalaiye wi arkelao ari mwene o yudeya, vanipuroni na atithinya herode, ahova oya wiwo. Aleliwaiye molohani atchimula ayaka ogalileya. <sup>23</sup>nave aya amaka va poma nsina naya nazarete wi yakhwanihiwe masu yalontchaya alipa a miririmo. Onamwitchaniwa munazarete

## Chapter 3

<sup>1</sup>mahiku yale arwa yohani mpatisa analaleya masu a muluku mutakwuni,ariki; <sup>2</sup>murukunushe murima,wona wi omwunewa wirimu ori vakhiviro <sup>3</sup>yohani tuwoamulontche mulipa a miririmu isaiya ariki;<<sup>4</sup>yohani yowara awe yapakiwe nimapururu a ekamelo,nave muyunani a`wara mutcheka wa eshapala;yolya awe yari misope ni oravo wa mutakhwani; <sup>5</sup>yanaya wa yowo atchu oxerusalemu a elapa yothene ya oyudeya ni atchu othene amakupa a muhitche yordano. <sup>6</sup>othene yawo elokohaka sotcheka saya,yanapatisiwa ti yowo mmuhitcheni yordano.<sup>7</sup>vavo vowona afarisi ni asaduki antchipale erwelaka opatisiwa,xohani alotcha wa yawo ariki;<<sup>8</sup>mpahareke miteko sevelevelo inoneia orukunusha wanyu murima. <sup>9</sup>muhiwokeke muriki; abrayamu ori tithihu>>wona wi kinnolelani wi muluku onnawera otatusha maluku ala wi ekhale anamwane a abrahamu.<sup>10</sup>vano epaso yohuheriwa mutathari wa miri,wi miri sothene ihirino sawima saphama suhiwe ni iriheliwe vikho, <sup>11</sup>miyo kinnopatisani ni mahi wi murukunushe mirima,vawi yowo onarwa otchuli waka, t'ori mutokwene okipwaha miyo ,nave nkinaphawanela mano opharela isapato sawe yola onarwa opatisani mwa munepa wawela nimmoroni; <sup>12</sup>nave ethekwa yovera eri mmatani mwawe;onanvela nipuro nawe na wipitcha;nave onahawela ahele munikhukwani sa mmatchani mwawe,vavo inyukula onahawela eyele ni moro wohishipha. <sup>13</sup>vawo yesu avinya ogalileya,aya omuhitcheni yoradano wa yohani wi apatisiwe ti yowo. <sup>14</sup>vano yohani anakhotcha ariki;miyo kinaphwanela opatisiwa ti nyuwo,vano nyuwo munarwa wa miyo? <sup>15</sup>yesu amwakhula ; vano nihiye ekhale hiha,wona wi ninnaphwanelo okhwaniha wokolola wothene>>vano yohani ahema ompatisa. <sup>16</sup>yesu apatisiwaiye akhumamo mmahini vohilekela.va elukuluku,ene yele wirimu wahuleyawo ni ahona munepa wa muluku ntoko ekakaiya,omukhuruwelaka yesu. <sup>17</sup>nahiweyatho asu wirimo,nriki;<

## Chapter 4

<sup>1</sup>vava yesu akerihiwa otakwani ti munepa wi ereriwe ti musasera . <sup>2</sup>amalin`hiye mahiku makhumi masheshe inanelaka yolya ohiyu ni othana,avoliwa etala. <sup>3</sup>mulipa awerera owo amwatchamela;;<<sup>4</sup>yesu amwakhula ;<<sup>5</sup>hiha musasera amukeriha yesu epoma ya wela ,na weliha vasulu wa empa ya muluku, <sup>6</sup>alotchano ,ariki;wari mwana a muluku,wimorihele vathi;tiwi worempwa yowo onarwa aruma ankelo awe wa weyo yotchukule ni mata aya ,wi ohaka tchuliwe ti nluku. <sup>7</sup>yesu amwakhulatho; worempwa thowi; ohiwerere apwiya muluku anyu. <sup>8</sup>musasera amukushatha.amoniha omwene wothene wa elapo yavahathi ni otchichi miheya waya . <sup>9</sup>ni alotcha ni yesu ; kinahala wovaha itchu sothene iha,wakokhora okepesa. <sup>10</sup>vawi amwakhula ariki; apwahawo satana ,ntakhara worempwa wi owepeseke apwiya muluku-a nave yaworu onerawe onakokhorela <sup>11</sup>vano satana amuhiya yesu ni ankelo a wirimo yarwa enamukha vihera. <sup>12</sup>yesu iwalaihe wi yohani mpatisa awaleliwa mukariposo,avinya aya ogalileya. <sup>13</sup>akhuma onazare,aya amaka okafarnau,oshereshere wa ephareya yo galileya elapo yawatchamela o zabulon ni oneftali; <sup>14</sup>yahereya yeyo wi ekhwa nihere yolotcha ya mulipa amiririmo yesaya,ariki; <sup>15</sup>elapo yo zabulon ni elapo yo neftali musewe wa ophareya,okhopela wa yordano,galileya a amalapo , <sup>16</sup>nloko nari mwipiphini nohona ekamama etokwene nave ekamama yohavinyera yawo yari mwilaponi ni mmurushini mwa okhea <sup>17</sup>ovinya nihiku nenle yesu apatchera ollaleya masu ariki; rukunushani murima ,wona wiomwene wa wirimu wohatchamela. <sup>18</sup>yesu etchaka oshereshere wa ephareya ya ogalileya ,awona alopwana elionnayaru ,simonieriwa Pedro ni andreya,ereyaka mulapa mphareya vawi yari alipa ototha ihopa. <sup>19</sup>yesu ahi wa yawo mutchare ,wi kiwereni alipa awatotha atchu. <sup>20</sup>mwa wakuwa yahiya vvale milapa saya,emutchara. <sup>21</sup>ayaka oholo awona akina eli,yakobo mwana a Zebedeu ,ni munnawe yohani yari mmwatcheyani n atithi aya Zebedeu esonaka milapa saya.ni awitchana. <sup>22</sup>awo ya muhiya mwatcheya ni atithi aya,emutehara. <sup>23</sup>vano yesu anetchetcha elapo yothene ya ogalileya ,ahusihaka mmapuroni aya a ovekela.analalera mitchaka yaphama ya omwene, anapenudha atvhu iretcha saya ni masoso aya othene. <sup>24</sup>ovuwa wawe wahimwa lamwala o siria wothene nave yanamukerihela othene yarino iretcha ni sohoshia sintchipale,ale ophariwa ti munepa wonanara,ale yarino etchilethile ni alipa a nantchetcha,nave yowo ahapenusha. <sup>25</sup>samutehara miloko sawatcha sa atchu sarwa ogalileya,odekapole o yerusalemu,oyudeya ni okhopela wa yordano.

## Chapter 5

<sup>1</sup>YESU onnaiye muloko wa atchu,awela vamwako.akiranhaiye ,ohusera awe yamwa tchamela , <sup>2</sup>apatchera wakusiha yawo ariki; <sup>3</sup>oreriwa t awo ari ohana mmunepani ;wona wi ti wawayaomwene wa wirimu. <sup>4</sup>oreriwa ti awo ananla,wowa wi anarwa ehakalalihiwa.<sup>5</sup>oreriwa ti awo awisumaliha vawi enarwa yakhela elapo yavathi. <sup>6</sup>oreriwa ti yawoovoliwa etala ni ntchanana ekhwelaka wokololowa vawi enarwaevona. <sup>7</sup>oreriwa ti yawo enamoriwa ekharari wona wi enarwa emoreliwa ekharari. <sup>8</sup>oreriwa ti yawo awela murima wona wi anarwa emona muluku. <sup>9</sup>oreriwa ti yawo anetetela muretechele,vawi enarwa yitchaniwa anamwane a muluku. <sup>10</sup>oreriwa ti yawo anahoshiwa wa nthowa na wokololowa,wona wi ti wawaya omwene wa wirimu. <sup>11</sup>oreriwa tinyuwo munaruwaniwa munahoshiwa ni wotheriwa mulotcheliwa sonanara sothene wa nthowa naka. <sup>12</sup>hakalalane nave tchapani vawi otchuweliwa wanyu oniokhale otokotoko wirimu.hiha tho yahahosha alipa a miririmu yarivo nyuwo muhanku nve. <sup>13</sup>nyuwo muri makha a elapo.vano makha yathuwa,eni ekokiheriwe hai osiva waya? hanaphureliwa etchu,vohikhala oyehiwa okhiwipi,enanyikaliwa ti atchu. <sup>14</sup>nyuwo muri omwalela wa elapo ya vatchi;epoma eri vanwako henawera ovithey. <sup>15</sup>nari havo onapariha muthiko erelaka okhunela vathi vamwapo, vawi onakuhiwa vawoneyavo,wi wamwaleleke atchu othene ar impa. <sup>16</sup>hiha omwalela wanyu wareke vamithoni vatchu,wi anonaya miteko anyu yaphama yatchitchimihe atithinyu ari wirimu. <sup>17</sup>muhupuwele wi miwo karwele omaliha malamulo nari alipa a miririmo.hoye ;nkarwele omaliwha,ti wi karwele wakhiwuniha. <sup>18</sup>mwa evelevelo miyo kinnoletani ehakunve ovira elapo ya vathi ni ya wirimu,horimela mutcheka nari ethoka emoharu mwa nlamulo.sothene inamwereya. <sup>19</sup>yole vano oni ahiwelele nlamulo nimoharu nikhanini ni ahusihe atchu akina ohiwelela, onaya okhala mwamu khanisha mwa omwene wa wirimu. Vawi yole oni akhapelele malamulo ni ahusihe akhwawe,on ya okhala mutokwene mwa omwene wawirimu. <sup>20</sup>kinnoletani wi wokololowa wanyu murima wahapwa alipa orepa ni afarisi,hamvolowaru um omwene wa wirimu. <sup>21</sup>muhiwa solotchiwe wa atchu akhalai;ohiphe,yowo oni iphe onamuthorihiwa. <sup>22</sup>vawi miyo kinnoletani wi,mutchu yowo oni ananariwe ni munnawe, onamutho rihwi.ole ani amuruwane munnawe onamukerihwi walipa othoriha atokotoko.yole tho oni amwere yowo,nanepa we;onamukerihwi omoroni wohishipha. <sup>23</sup>wimwi werakano yovelela vanipuroni na mukutcho wupuwele wi womutche kela munna a, <sup>24</sup>hiya vava yovaha a,okokeleotculi,wapatchere watana ni munna a ,nave hawe wavelele yovaha a. <sup>25</sup>akuva watana ni mwitchana a oyaka omilatchuni,wi mwitchana a yowo hovelele wa muthoriha,ni muthoriha ahovelele wa musuphai ni owo ahokerihe mukalaposo. <sup>26</sup>evelevelo miyo kinnoletani wi horwa okhumamo mummo ohilin ve mwakhorowa okutchulela. <sup>27</sup>muhiwa salotchiwe khalai'ohiraruwe; <sup>28</sup>vawi miyo kinnoletani;mutchu ole,onanwehs muthiyana amukhwelaka,oraruwano mmurimani mwawe. <sup>29</sup>nitho na nopolwana notchekihaka,wosola ni rehela worakamawo,wona wi ti yaphama wa weyo oyelela etchu emoha ya mmwilini mwa; ohiya mwili a wotyene oriheliwe omoroni; <sup>30</sup>ntata na nopolwana notchekihaka ,thikila ni rihela worakamawo wona wi ti waphama wa weyo oyelela etchu emoha ya mmwilini mwa,ohiya mwili a wothene oriheliwe omoroni. <sup>31</sup>yalotchiwatho ;mulopwana yole oni amwalane ni mwariye ,amunnye ekarta yomwalana. <sup>32</sup>vawi kinnoletani wi yole onamwala ni mwariye,vohikhala nthowa na mararuwo,onamweriha yowo okhala oraruwa.yoletho onamuthela muthi yana yola omwalanne ni iyawe,onamurawano. <sup>33</sup>muhi watho itchu saleliwe atchu akhalai ohiphe orikimotha, tiwi okhapeleleke malipelo wenrawe vamithoni vaapwiya. <sup>34</sup>vawi miyo kinnoletani wi muhilipeleru nari muromolaka wirimu,vawi wi wituriwo muyukhu wamuluku. <sup>35</sup>muhilipele nari wa nthowa na elapo yavathi wona wi eri enyikalo ya manani awe; muhilipele nari wa nthowa na yerusalemu wona wi nri nipoma na mwene mutokwene. <sup>36</sup>muhilepeleke nari wa nthowa na muru anyu,wona himunawera weliha nari oriphi ni hi nanyu nimoharu. <sup>37</sup>malotchelo anyu ekhale ala;ai ai ,hoye;masu othene anapwaha vava,anarwela wa mutakhali <sup>38</sup> ; muhiwo elotchiwe;nityo nnitho,nave nino nnino, <sup>39</sup>vano miyo kinnoletani muhikhomeke ni mutchu onanara murima vawi yowo oni omane nrama na nopolwana omurunusheletho nikina. <sup>40</sup>akhalano mutchu oni okerihe omilatchani vawi akushe yowara a ,omuhi yeretho ekuwo ekina . <sup>41</sup>akhala ni opharele omuhola ekilometro emoha omuholepili; <sup>42</sup>onnvahe yowo onoveka,ommphatche yole onakhwela opoleiwa. <sup>43</sup>muhiwa elotchiwe;omukhweleke mukhwa a ni omwitche mwitchana a . <sup>44</sup>vawi miyo kinnoletani wi mwakhwelwke amuitchani anyu, nimwavekeleleke yale anawikarani; <sup>45</sup>hiha munarwa mukhala anamwane atithinyu ari wirimu,anakumiha nsuwa naya watchu onanara murima ni afama nave anaruphi epula watchu awokololowa murima ni wa ohokololowa. <sup>46</sup>mwakhwela yaleru anokhwelani,muni mwakhele ntchuwelo tani?haneratho hiha alipa amusokho? <sup>47</sup>mwalotchela asinninyuru munnahiyaniha?amalapo hanera yeyoyho <sup>48</sup>vano mukhale awela ntoko ara há awela atithinyu a wirimo.

## Chapter 11

<sup>1</sup>yesu amalin' haiye wahusiha ohuserawe khumi napili, aya ohusiha ni olaleya mmapoma mwaya. <sup>2</sup>yohane mpatisi ari mukariposo, iwaliye ilotchiwaka miteko sa kristu, aharuma wa yowo ohuserawe oya omukoha wi: <sup>3</sup>nyuwo mwa yowo ahawela owa. Hoye nin'weherereke mukina? <sup>4</sup>yesu áwkhula ariki: haweni, mwamulele yohani yeyo munonanyu ni yeyo muniwanyu. <sup>5</sup>ohona an'nona, orakala annetcha, atchu amarecha annapenushiwa, ohiwa ánniwa, alipa okwa annavinyihiwa, nave mitchaka yaphama ennalaleriwa wa atchu ohawa. <sup>6</sup>oreriwa ti mutchu ohinapwanya mwa miyo yokatculiha. <sup>7</sup>ohusera yale erikimurowa, yesu apatchera olotcha sa yohani wamuloko yole wari vavale ariki: tisheni mwakelanyu wona otakwani? Akweya epako enatannyiwa ni etcheke? <sup>8</sup>mwakele wonani? Mutchu owanre ikuwo sorerasha? Tiwi, yawo anawara ikuwo hiho, anakhala vate va mwene. <sup>9</sup>mwakele wonani? Akweya mulipa a miririmo? Ai! Kinnolelani wi yowo onapwaha alipa miririmo. <sup>10</sup>ola ti yowo arempe wi: yomi ene, kinnamurumiha murummwaka aholleleke arehere ephiro a. <sup>11</sup>tchiri kinnolelani wi mwa atchu ayariwe ti muthiyana, havo mutokhwene ompwaha yohani mpatisi; nave yowo ori mukhanisha um omwene wa wirimu. Mutokotoko ompwaha yowo. <sup>12</sup>ovinya elukuluku ya yohane mpatisi ophiyera vano, ti wa yale anawanela ovolowamo, nave ti alipa owana anakusha yowo. <sup>13</sup>Alipa miririmo ni malamulo yakhalavo ophiyera va yohane mpatisi: <sup>14</sup>mwakhelaka wemerera, ola ti eliya ahawela owa. <sup>15</sup>Ori ni maru iwe. <sup>16</sup>Vano atchu yala amutano kaphanapwanihe nani? Ari ntoko anamwane akiranthe mmapuroni amarotcha ekhuwelaka wa akhwaya, eriki: <sup>17</sup>Hiyo nohopa mapenka himwinne! Nhipa ikutcho nave nyuwo hamunlale! <sup>18</sup>Tiwi owa yohani ahinatcha nari ahinawura, nyuwo muni: ole nanepa. <sup>19</sup>Owa tho mwana a mutchu onatcha ni owura, nyuwo muni: mmone namatcha nnamuhapaliwa, nthamwene alipa a musokho ni otcheke! Nave miruku inasuwanyeya mwa miteko aya. <sup>20</sup>Hiha yesu apatchera osamela ipoma atchenraiyemo wera sotikina sawe wa nthowa na ohirukunusha mirima, ariki. <sup>21</sup>otchilu ti wa nyuwo korozaime. Ootchilu tiwa nyuwo betsaida! Ntakhara otiro ni osidonia seriwelele sotikiniha seriwe mwa nyuwo, khalai vavale atchu a weiwo yamurukunusha murima, yikhunelaka ni matchapwacha ni yihelaka etchurwa mmuruni. <sup>22</sup>Nave miyo kinnolelani: nihiku nothoriha, tiro ni sidonia mulatchu aya onamuyeva opwaha wawinyu. <sup>23</sup>Nave weyo kafarnau onupuwela wisinnuwiha ophiyera wirimo ? onahawela wikurushela omoroni.wonawi osodoma sapakiwewo sotikiniha ntoko ipakiwaya waweyo. Sodoma amphiyera olelo. <sup>24</sup>Nave miyo kinnolelani wi nihiku nothoriha mulatchu, sodoma onammoreliwa ikharari wohiyani nyuwo. <sup>25</sup>Elukuluku yele yesu alotcha, ariki: kinnothamalani, tithi, apwiyaawirimu ni aelapoyavathi, vawi mokhuwa itchu iha wa atchu amiruku ni osuwelasha, nave mupulula wa akhani. <sup>26</sup>Ai tithi tiwi mwakhwenle hiha. <sup>27</sup>Sothene akivan'he ta tithi. havo omusuwenle mwana wahiya atithi, ni havotho asuwenle atithi omuhiya mwana ni mutchu yole mwana onakhwelaiye omoneiha. <sup>28</sup>Rwani wamiyo othene nyuwo nvenle muhokoliwa, miyo kinam, witchuwihane. <sup>29</sup>Teshani muritchi aka, huserani wamiyo kiri orera murima ni awiyeviha nave munamphwanya witchuwa wa okumi anyu. <sup>30</sup>Wi muritchi aka honalimelasha ni ori wo

## Chapter 12

<sup>1</sup>Elukuluku yeyo,nihiku noworowa, yesu avira mmatchani. Ohuserawe evoliwe, yanvurula tiriku enamukhura. <sup>2</sup>Nave afaresi akina, yawonnaya, yahi: nkawone ohusera a anera yeyo ehinemerereya nihiku noworowa.<sup>3</sup>yesu awakhula: hamwalakhannye etchu davide ni akhwawe yennraya evoliwe? <sup>4</sup>Avolowa mpa mwa muluku ni akhwawe ekhura ipau sa alipa ephepa, hiho sahemereriwa okhura owo nari akhwawe, nave alipa ephepa tiyakhura.<sup>5</sup> Nari himwalakhannye mwa malivuru amalamulo wi alipa ephepa annananariha ni miteko saya nihiku naworowa, nave ehinatcheka? <sup>6</sup>miyo kinnoletani wi vava okhalavo mutokhwene onapwaha empa ya muluku.<sup>7</sup>Mwasuwenle etchu eniwa: kinakhwela ikharari ohiya mikutcho, himukathorin,he yale ahirino nthowa mmulatchuni. <sup>8</sup>Mwana a mutchu tori mwanene a nihiku noworowa.<sup>9</sup>Avinhaka vavale, avolowa nipuro naya novekelamo. <sup>10</sup>Mummo akhalamo mutchu orakala ntata. Yamukoha yesu wi emphanyere nthowa yahi: onnemerereya ompenusha mutchu nihiku noworowa? <sup>11</sup>Nave yesu ahi: tani a nyuwo orino eputcheputche emoha, yamorela mulitchini nihiku noworowa hayawo akumihamo? <sup>12</sup>Vano mutchu otepa opwaha eputcheputche! Tiva, onnapwanela wera saphama nihiku noworowa. <sup>13</sup>Vava yesu ahi wa mutchu yowo: okola ntata! Yowo ahokola, nave ntata nawe napenuwa, nnalikana nnikwaya. <sup>14</sup>Afarisi ekhumaka vavale yamuthukumanela yowo yasaka merelo omwipha. <sup>15</sup>Yesu, asuwenlaiye etchu yele, apwahavo.atchu antchipale yamutchara,nave owo apenusha iretcha sothene. <sup>16</sup>Ahalelasha wi ehimulaleye. <sup>17</sup>Wi yereye yalotchiwe ti mulipa miririmo yesaya. <sup>18</sup>Mmone kapuro aka kimuthanlilaka, mosiveliwaka, mwa yowo murinaka onahakalalayano. Kinnamukuhera munepaka ni owo onamulalera maloko othene miruku sawokololowa. <sup>19</sup>Owo harwa akhuwela nari wirumiha; nsu nawe hiniweya veri va atchu. <sup>20</sup>Harwa antaka muthala wokhuneya, nari harwa atchipiha muthiko onahala vakhani otchipha ophiyera atikithenre wokololowa. <sup>21</sup>Nave maloko othene anamuroromela nsina nawe. <sup>22</sup>Vava awihiwa mutchu ohona ni ohilotcha, omakiwa timunepa wonanara.Yesu ampenusha, nave yowo apatchera ototcha ni wona. <sup>23</sup>Muloko wothene wa atchu watikhina onakohana, oriki: Yola,tahi mwana adavide?<sup>24</sup>Afaresi,yiwalaya yela, yahakhula,eriki: ola onikara minepa sonanara ni ikuru sa satana,mutokhwene aminepa hiho. <sup>25</sup>Yesu vosuwela mupuwelo aya.ahi: omwene wothene onikawanya mekhaya onnathatuwa milepe. Epoma yeyo nari etchoko enikawanya mekhaya enammwareya. <sup>26</sup>Vano,satana amukumiha satana, onamwikawanya: Nave oni okhale hai omwene awe? <sup>27</sup>Miyo kikaraka minepa sonanara ni ikuru sa satana, nkiatchu anyu, anikara ni ikuru sawani? Hiha awo teni yothorihekeni. <sup>28</sup>nave miyo kakumihaka asatana ni ikuru sa munepa wa muluku,tiwi omwene wa muluku wophiya wa nyuwo. <sup>29</sup>Tani onawera ovolowa mpa mwa mutchu awupa wi iye itchu sawe,ahimmaketoko?Ammaka,onamuwera wiya mpamwawe. <sup>30</sup>Yowo ohiri ni miyo, onnakivirikanya;Niyowo ohinathukumanya vamoha ni miyo onammwaramwasha. <sup>31</sup>ahikuVanthowa ninla,kinnoletani wi:Ananwera okhurumuveliwa,sotcheka sothene,nari emunyemulaka muluku;Nave onyemula munepa wa muluku,atchu yala hewa ekhurumuveliwa. <sup>32</sup>Yowo oni amulotchele masu onanara mwana amutchu onamukhurumuveliwa; Nave oni alotchele masu onanara munepa wawela hanakhurumuveliwa nari mahiku yala,nari mahiku amuholo. <sup>33</sup>Muni mwiri ti waphama,ni sawimasaya saphama;Muni mwiri tiwonanara ni sawima saya sonanara,wonawi ti sawima inasuweliha miri aya sene. <sup>34</sup>Nloko na ivili,munawerahayi ototcha itchu sa phama muri atchu onanara murima?Wonawi eyano enalotcha itchu hiho isaren,ye mmurimani. <sup>35</sup>Mutchu aphama onakumiha saphama hiho okhapelenlaiye mmurimanimwawe mwaphama,nave mutchu onanara murima onakumiha sonanara hiho okhapelenlaiye mmurimammwawe monanara. <sup>36</sup>Miyokinnoletani wi:Nihiku nothoriha atchu anamuthorihiwa wa nthowa na masu othene atheru. <sup>37</sup>Wonawi we onanvulushiwa nari onamurimela wanthowa na masua<sup>38</sup>Alipa orepa ni afaresi yalotchano eriki:Muhusiha,mwere etchu yotikiniha,none! <sup>39</sup>Yesu awakhula:Atchu yala amutano tonanara mirima ni oraruwa!Anaveka enenero,nave hevahiwaru emohamano,vohikhala yele yamulipa amiririmu Yona. <sup>40</sup>Ntoko yona akanlaiye mmirimane mwa ehopa etokotoko mahiku marar uni ohiyuene,hiha mwana amutchu onamukhala vathi va etcheya mahiku marar uni ohiyuene.<sup>41</sup>Nihiku nothoriha vamoha ni nloko nla, nave tani evahe ekoi, wona wi yawo, yiwaka olaleya mitchaka sa yona yarukunusha murima. Vano vava okhalavo mutokhwene omphwaha yona.<sup>42</sup>Nihiku nothoriha mwene a mwamuthiyana a wiwo onakhumawo etcheke yua mirupi onannvinya erele onamona sa atchu yala a mutano, asomelaka, vawi yawo akhumme makupa awiwo elapo ekotenlayawo wi ewiriyane miruku ya solomoni, vano mutokhwene omphwaha solomoni ori vava.<sup>43</sup>Munepa wonanara wakhuma wa mutchu onetchetcha elapo yawuma wasaka nipuro nawitchuwavo,nave honapwanyana. <sup>44</sup>Vanonto oni: kinamukokela empaka kivinnyakamo. Waphiya onaphwanyana ehikhaliwe, eveliwe ni erehereriwe. <sup>45</sup>Vava onnaya owopa minepa mikina mithanu na mili sonanarasha opwaha yowo, imaka mummo makhalelo okutchulela a mutchu owo annatepa onanara opwaha wopatcherani. Tiyeo eni ephatchuwe wa yala a mutano onanara mirima.<sup>46</sup>Ariki mulotcha nivano atchu antchipale, amannya ni asinnawe yari vate, yasaka ototcha ni yowo. <sup>47</sup>Mutchu mmoha amulela i amannyu ni

asinninyu ari vate, anakhwela olotcha ninyuwo.<sup>48</sup> Nave yesu amwakhula yowo ariki: tani amani ni asinnaka?

<sup>49</sup>Athonyaka ohuserawe ahi tala amani aka ni asinnaka, <sup>50</sup>Yole onera yokhwela ya atithi aka a wirimo, yowo tori munnaka murokoraka ni amani

## Chapter 13

<sup>1</sup>Nihiku nenle yesu avinyaka vate vavale akirathe oshereshere wa ephareya. <sup>2</sup>Muloko mutokwene watchu wamuritcha, hiha yesu awela mmwatcheyani, akirathi, muloko wothene wemenle vehavani. <sup>3</sup>Ahalela itchu sawatcha nimaphwanaphwaniho, ariki: <sup>4</sup>Mulipa omisa avinya ayaka omisa mmiso awe. Amisaka hihale, mmiso mukina wamorela mphironi ni ipalame sarwa ithupamo. <sup>5</sup>Mukina wamorela vamalukuni, waharivo etcheya yintchipale ni vohilekela wamela, wona wi etcheya yari vasulusulu. <sup>6</sup>Nave nsuwa nompaya ni wahuma wona wi hiwarino mitathari sawishela. <sup>7</sup>Mukina wamorenle vamiwani. Miwa sahinnuwa ni isipelela. <sup>8</sup>Mukina wamorela warivo etcheya yorera, wima vantchipalesha, mukina ikwaha nsana, mukina ikwaha makhumi mathanu nammoha ni mukina ikwaha makhumi mararu. <sup>9</sup>Ori ni maru iwe. <sup>10</sup>Ohuserawe yamwatchamela ni yamukoha: ntakhara sheni munalotchelanyu atchu ni maphwanaphwaniho? <sup>11</sup>Yesu awakhula, ariki: nyuwo movahiwa osuwela sawiphini sa omwene wa wirimo, nave awo hevahiwe. <sup>12</sup>Yowo orinono onamwatchereriwa ni onamukhalano vawatcha; nave yowo ohirino, onamwakhiwa ni yele ene oriyeno. <sup>13</sup>Tivava nto kinalelaka mmaphwanaphwanihoni, nari yonaka, ehoneke; yiwaka, ehiweke nave ehisuweleke. <sup>14</sup>Mwa yawo anamwakhwanela masu ala a mulipa a miririmo yesaya: wonamunann, wiriyana, nave hamurwa musuwela: munamuhula mitho, nave hamurwa mona. <sup>15</sup>Muloko ola, wohumiha murima aya otchiyaniha maru aya, ophuta mitho aya wi mitho aya ehone, maru ehiwe, ni murima aya ohisuwele, ehitcharuwe wi kapenushe. <sup>16</sup>Orieriwa ti rigo ene anyu, ntakhara anona ni maru anyu anniwa. <sup>17</sup>Evelevelo miyo kinnoletani wi, watcha alipa amiririmo ni atchu awokololowa mirima yakhwenle wona itchu iha munonanyu, ehona; nave yakhwenle wiwa itchu iha muniwanyu ehiwa. <sup>18</sup>Wiriyanani niphwanaphwaniho na mulipa omisa: <sup>19</sup>Mutchu yole oniwa masu a omwene wa wirimo ni ahinasuwela, onnarwa satana amwakha yeyo yaliwe mmurimanmwawe; ola ti mutchu onasimpwa ni mmiso wamorenle mphironi. <sup>20</sup>Mmiso waliwe vamalukuni, onasimpwa ole oniwa mas uni anakhela n, uhakalala vohilekela. <sup>21</sup>Nave mutchu ola hano nthiti ni, yaphiya elukuluku ya sohoshu ni sawikariwa wa nthowa na masu onnahiya vohilekela. <sup>22</sup>Mmiso waliwe mmiwani, onasipela sayole oniwa masu nave saweha samahikuyala ni owoka wamuhakhu, sinniphelela masu ehinima. <sup>23</sup>Ole akhenle mmiso vatcheyani yaphama tiyole oniwa masu nimurima we wothene ni anakhapelela. Owo onnima vakina nsana, vakina makhumi mathanu nammoha, vakina makhumi mararu. <sup>24</sup>Yesu ahalela nipwanaphwaniho nikina omwene wawirimo ori ntoko mutchu anle mmiso waphama mmatchani mwawe. <sup>25</sup>Atchu othene ekonaka, awa mwitchani awe, ala nthakathaka veri va trigo, ni arowa. <sup>26</sup>Mmiso ole wamenlaya ni opatcheraka wima, nahoneya nthakathaka. <sup>27</sup>Anamalapa yaya omukoha mwanene: Pwiya, himwanle mmiso waphama mmatchani mwantu? Vano nthakathaka niwiye wowi? <sup>28</sup>Owo ahakhula: Mwitichani aka t, anlemo. Anamalapa yamukohatho: Munakhwela wi nipholemo nthakathaka? <sup>29</sup>Owo awakhula: Hoye, vawi mwapholaka nthakathaka, muni munamumphola ni trigo ene. <sup>30</sup>Hiyani wi ninnuwe vamoha ni trigo ophiyera nihiku nohepha. Naphiya nihiku nlo, kinamwalela alipa ohepha; Mpatchere ophola nthakathaka, mmakanye ni mweyele. Nitrito mmuhele vatathanivaka. <sup>31</sup>Yesu ahalela niphanaphwaniho nikina: Omwane wawirimo ori ntoko enuku ya mukukhu mutchu mmoha anlaiye mmatchani mwawe. <sup>32</sup>Enuku aya eri yoyevasha ophwaha inuku sothene. Nave yamela ni yainuwa, mwiri aya onakhala mutokotoko ni ipalame s, osulu sinnawa ikayamo. <sup>33</sup>Ahalelatho niphanaphwaniho nikina: omwene wa wirimo ori ntoko miropo muthiyana onaheliye mmiphimoni miraru sa ephepa ya trigo wi etchukhuwe yothene. <sup>34</sup>Itchu sothene iha yesu alotcha ni osipa. ni hiyavo alontchaiye ahisipaka. <sup>35</sup>Wi yakhwanihiwe masu yalotchiwe ti mulipa miririmo ariki: kinamuhula eyano aka wi kilotche mmaphwanaphwaniho, kinamupulula itchu savithiwe ovinya opatchera wa elapo. <sup>36</sup>Yesu ahiya muloko yole aya owani. Ohuserawe ymwatchamela yi ntaphuleleni niphanaphwaniho na nthakathaka. <sup>37</sup>Yesu awakhula: ole anle mmiso waphama ti mwana amutchu. <sup>38</sup>Ematcha ti elapo yavathi, mmiso wa phama ti anamwane a omwene; nthakathaka ti anamwane a musasera. <sup>39</sup>Muitichani anle ti musasera, elukuluku ya ohepha ti nihiku nomaliha elapo alipa ophepha ene ti ankelo. <sup>40</sup>Ntoko nnathukumanyiwaya nthakathaka ni nnaheliwaya vikho hiha enamwereya nihiku nomaliha elapo: <sup>41</sup>Mwana amutchu onamwarumiha ankelo awe nave awo anamwaphara momweneni mwawe othene anera sokatchuliha ni anera sonanara. <sup>42</sup>Ni anamwarihela mmoroni wovarela, wiwo onamukhalawo wunla ni okhuriha minno. <sup>43</sup>Vano alipa orera murima eni enamwara ntoko nsuwa mu omweneni wa atithi aya. Orino maru iwe. <sup>44</sup>Omwene wa wirimo onanphanaphwana ni muhakhu ovithiwe mmatchani mutchu oronle onnavitha wiliwili; atepa ohakalala, akuliha sothene oriyeno ni akula ematcha ele. <sup>45</sup>Omwene wa wirimo onaphwanaphwanatho ni mulipa amarotcha onasa maluku okhweleyasha. <sup>46</sup>Aphwannayaiye nimoha nowalamelasha, akuliha itchu sothene ariyeno ni akula nluku nenle. <sup>47</sup>Omwene wa wirimo onqphanaphwanatho ni ntchavi nntokwene nareiwe mmahini ni naphanre ihopa sawatcha. <sup>48</sup>Ntchavi nle nasaren, yaya, yapurulela omokoni, yakirathi ni yathanlela muthekwanu ihopa sorera ni yarihela otakhwani ihopa sonanara. <sup>49</sup>Hiha enamwereya nihiku na omaliha elapo: ankelo eni

enamwathanla atchu orera murima mwa atchu onanara murima. <sup>50</sup>Ni anamwarihela omoroni alipa onanara murima. Wiwo onamukhalawo wunla ni okhuriha minno. <sup>51</sup>Mohiwa phama sothesene iha? Ohusera yamwakhula ai nohiwa! <sup>52</sup>Yesu ahalela; wawi hiha mulipa orepa osuwenle sa omwene wa wirimo analikana ni mwanene a vate onakumiha mmuhakhuni mwawe sa hihano ni sakhalai. <sup>53</sup>Yesu amalin, haiye olotcha maphwanaphwaniho ala avinyavo vavale. <sup>54</sup>Aya owannyawe ,ánahusiha atchu mmapuroni ovekelamo mwaya: ni yawo yanatikiniha ni yani: inawa wowi miruku ni ikuru sawerano sotikin iha. <sup>55</sup>Owo tahi mwana akarpinteiro? Nave amannya tahi Mariya, ni asinnawe tahi yakobo, yosefe ,Simoni ni yuda? <sup>56</sup>Nave arokoriye othene hemanke mumu ni hiyo? Vano ophwannye wowi itchu sothene iho? <sup>57</sup>Yawo yakhwatchuliwa wa nthowa na yowo. Yesu ahi wa yawo: Mulipa amiririmu hanakhweliwa velaponivawe. <sup>58</sup>Yesu henrevo oyariwa vavale stikiniha sintchipale wannthowa na ohiroromelawaya

## Chapter 14

<sup>1</sup>Elukuluku yele herode yowo alamula ogalileia, iwaliye ovuwa wa yesu. <sup>2</sup>Alotcha ni anamalapa awe i : ola ti yohane mpatisi ovinnye wokhwani, tivavanto, sotikiniha iha inereyaya mwa yowo. <sup>3</sup>Tiwi herode alamulela wi yohane aphariwe, amakiwe nave awaleliwe mukariposo. Ahera yela va nthowa na herodia muara amunnawe filipi, <sup>4</sup>Vawi yohane anamulopola ariki: honemereriwa omuthela mwara amunná. <sup>5</sup>Herode anatchuna , nave anova nloko na atchu namwera yohani mulipa miririmo. <sup>6</sup>Nihiku na efesta ya wupushera oyariwa wawe herode, mwana a mwamuthiyana a herodia ahina vavale, amusiveliha herode, <sup>7</sup>Hiha herode alipela onvaha yeyo eraiye aveke. <sup>8</sup>Aleliwaiye ti amannya mwana yole ahi: mukivahe mparathoni muru wa yohane mpatisi. <sup>9</sup>Mwene athanana, nave wa nthowa na olipela ni vamoha alipa owompwa, aruma wi annyiwe. <sup>10</sup>Ni aruma omuhita yohani mukalaposo. <sup>11</sup>Muru waruhiwa mparathoni nave ahinnyiwa mwana ni ola avelela wa amannya. <sup>12</sup>Vava yawa ohusera a yohane, ekusha muru tchwere eya yavitha.oholo waya yaya omulela yesu. <sup>13</sup>Iwalaiye wiphiwa wa yohane yesu avinyavo, alapuwa ni mwatcheya ayaka otakhwani wi akhalewo mekhaiye.nave muloko wa atchu wasuwenlaya, wavinya mwa ipoma saya, omutchara ni metcho. <sup>14</sup>Yesu akhumaka mmwatcheyani, ahona muloko mutokwene wa atchu, amorela ikharari ni ahapenusha aretchaya. <sup>15</sup>Oshekuwaka..ohusera awe yamwatchamela ni emulela: wenno homakiwewo nave onnila. Mwarowihe atchu ala wi yakule sotcha. <sup>16</sup>Nave yesu awakhula ariki: henaphwanela orowa, muavahe nyuwo yotcha. <sup>17</sup>Yawo yamulela eriki: inrino pahi ipau thanu ni ihopa pili. <sup>18</sup>Yesu awakula ruhane. <sup>19</sup>Aharuma atchu othene okilathi vamanashini, akusha ipau ihe thanu ni ihopa pili, aweha osulu ni areliha, ameyanya ipau, annya ohuserawe ni ohusera yahakawela atchu othene. <sup>20</sup>Othene yatcha evona, erolela inyenyeri ihe sahanle isareya mitchanka khumi napili. <sup>21</sup>Yale yatchile yari etchu ya alopwana ikonto thanu, wahiya athiyana ni anamwane. <sup>22</sup>Mwawakuveya yesu ahalela ohusera awe wi ewele mmwatcheyani ni elapuwele okhopela, owo alanyaka atchu. <sup>23</sup>Alannyaiye awela mekhaiye vamwako wi avekele. Wilakavo,ari vavale mekhaiye. <sup>24</sup>Mwatcheya ayaka variari va ephareya anatekuma, wona wi wiwo yayayawo tiyawayawo etcheke yawupa. <sup>25</sup>Oyaka nusha, yesu ahathikilela etchaka vasulu vamahi. <sup>26</sup>Ohusera, yamonnaya yesu etchaka vasulu vamahi, yatuthuwa ni yahera: ola munepa! Ni yakhuwela ni wova. <sup>27</sup>Nave yesu ahi: lipani murima timiyo muhove!<sup>28</sup>Pedro awakhula ariki: mwari nyuwo apwiya, kirumeni kiwe wa nyuwo ketchaka vasulu vamahi: <sup>29</sup>Yesu amwakhula waka! Pedro akhumaka mmwatcheyani, ahetcha vasulu vamahi, ayaka warivo yesu. <sup>30</sup>Nave onnaiye etcheke, ahova apatchera onela, akhuwela ariki: apwiya kivulusheni!<sup>31</sup>Mwawakuva yesu amokolela mono, ampharela, amukoha: onakhwelani minikwa ororomela tonto we? <sup>32</sup>Yawenlaya mmwatcheyani etcheke yamala. <sup>33</sup>Yale yahanle mmwatcheyani yamutchitchimiha, yi: evelevelo nyu mwa mwana a muluku. <sup>34</sup>Yalapum,waya, yaphiya elapo yogenesare. <sup>35</sup>Atchu a elapo yele yamusuwenlaya yesu, yamwaramwasha mitchaka wa ophiya wawe mmapuroni mothene. Nave yamuruhela aretcha othene. <sup>36</sup>Yananveka wi ewere otannya mano yowara awe. Otene yawo yatannyile yapenuwa.

## Chapter 15

<sup>1</sup>Elukuluku yeyo yaphiya wa yesu Afaresi ni alipa orepa, ewaka oyerusalemu, ni yàhi: <sup>2</sup>nthowa tani ohusera anyu ahinatcharihaya ikano samakholo? Tiwi hananyawa ya tchaka. <sup>3</sup>Yesu àwakhula: Nki nyuwo muhinatcharihelani malamulo aMuluku wanthowa na ikano sa nyu? <sup>4</sup>Tiwi Muluku alamula ariki: Watchitchimihe atithi à ni amayi à, nave, yowo onanyemula apapa awe nari amannya, ola akhwe tchiri. <sup>5</sup>Nave nyuwo muni: Yole ani àlotchele atithi ni amannya masu ala: Yele werawe wakhele wa miyo, yovahiwa wa muluku. <sup>6</sup>Yola hanaphareliwa watchitchimiha atithi ni amannya. Nave hiha nyuwo monanariha masu a Muluku, wa nthowa na ikano sanyu. <sup>7</sup>Owoka nyuwo! Mulipa amiririmu yesaya olotcha phama sa nyuwo, ariki: <sup>8</sup>Atchu yala akitchitchimiha ni eyanoru, nave murima aya ori otchiwene ni miyo, <sup>9</sup>Awo anakepesa siyo, ntakhara malamulo aya anakhuma mwa atchu. <sup>10</sup>Oholowaya yesu, awitchanenlaiye vakhiviru vawe atchu ahi: Mwiwe ni musuwele! <sup>11</sup>Tahi etchu yele enavolowa mwano enanvirikanya mutchu, nave yele enakhuma mwano t'enanvirikanya mutchu. <sup>12</sup>Vano ohusera emwatchamelaka yesu yàhi: Mosuwela wi afaresi, iwalaya yeyo mulontchanyu àkwatchuliwano. <sup>13</sup>Yesu àwakhula: Miri sothene ihaliwe t'atithi a wirimu inampholiwa. <sup>14</sup>Mwahiye! Ari aholeli ohona mutchu ohona hanamuhola mutchu ohona mukhwawe, oweli ala anammorela mulitchini. <sup>15</sup>Pedro ànveka ariki: Muntaphulele nipwanapwaniho nla. <sup>16</sup>Yesu ahi: Nyuwotho hamunasuwela hiho? <sup>17</sup>Himunasuwela wi sothene inavolowa mwano inaya mmirimani nave sakhuma mummo inariheliwa osalani? <sup>18</sup>Nave inakhuma mwano, inawa mmurimani, nave tihia inanvirikanya mutchu. <sup>19</sup>Tiwi mmurimani onakhumamo mupuwelo onanara, wipha, oraruwa, wetcha pure, wiya, wothera, wapa. <sup>20</sup>Itchu inampahula mutchu, tihia, nave otcha, mutchu ahinyan'we, honampahula mutchu. <sup>21</sup>Yesu àtchimula ayaka elapo yo Tiro ni Osidònia. <sup>22</sup>Vano muthiyana mmoha okanà awiye elapo yele, apatchera okhuwela ariki: Apwiya mwana aDavide, mukimorele ikharari. Mwanaka amwamuthitana onnahoshiwa vantchupale timunepa wonanara. <sup>23</sup>Naveyesu, hamwakhunleru. Ohusera awe yamwatchamela ni yànveka eriki: mwakhule, wonawi onnanyakula antcharaka. <sup>24</sup>Yesu awkhula: Nkarumiheliwe atchu akina, ihiri iputcheputche sorimela sa nloko na israyele. <sup>25</sup>Nave muthiana yole àwa àkokhora vamithoni va yesu àlotcha ariki: Apwiya kikhavihereni! <sup>26</sup>Tahi etchu yaphama okusha epau ya anamwane ni warihela anapwa. <sup>27</sup>Nave muthiyana yole amwakhula: Tihia apwiya. Nave anapwa annatcha inyenyeri inamora vamesa va apwiya. <sup>28</sup>Vanoyesu amwakhula: Muthiyana, ororomela wá ori otokotoko, yereye ntoko onakhwelawe. Velukuluk yele mwanawe amwamuthiyana àpenywa. <sup>29</sup>Yesu avinyaka vavale, aya watchamela ephareya yo Galileya ni, awenlaiye vamwako, àkilathi. <sup>30</sup>Vohilekela wawa wayowo muloko muntchipale wa atchu wakun'she atchu orakala, ohona, otuthunya, ohilotcha ni aretcha akina, emukuhera yowo nave ahapenusha. <sup>31</sup>Atchu yari òtikhina, vawona alipa ohilotcha elotchaka, otuthunya yetchaka phama, orakala yetchakatho, evasi yonaka, nave yànvuwiha Muluku aw'srayele. <sup>32</sup>Yesu awitchannaiye ohusera awe, àhi: atchu ala annakimoriha ikharari, wona wi amaliha mahiku mararu ekhalaka ni miyo, nave hano yotcha. nkinakhwela warowiha ehitchiye, kovakatho wi anakhwa eyaka mmphironi. <sup>33</sup>Ohusera yàhi wa yowo: otakhwani nno nnaya oruha wowi ipau sowakhwana atchu antchipale ala? <sup>34</sup>Yesu àhakoha ariki: murino ipau kavi? Yamwakhula: ipau thanu napili ni ihopa vakhani! <sup>35</sup>Vanonto àlotcha ni atchu wi ekilathi vatcheyani. <sup>36</sup>Àkusha ipau iho thanu napili ni ihopa vakhani, athamanlaiye atithinya, ameyanya ni ahannya ohusera ni ohusera yànakawela atchu. <sup>37</sup>Othene yàtcha evona, nave yarolela inyenyeri sohala isareya mitchanka mithanu na mili. <sup>38</sup>Alopwana yakhunre ipau yari ikonto sheshe, wahiya athiyana ni anamwane. <sup>39</sup>Alannyaiye atchu, awela mmwatcheyani ni aya elapo yo Magadan

## Chapter 16

<sup>1</sup>Afarisi ni asaduki yàwa wa yesu wi emwerere, nave yanveka enenero ya wirimo. <sup>2</sup>Yowo àwakhula: washekuwaka muni: wirimo wopilivilawo, omelo nihiku norera. <sup>3</sup>Woshishelo muni: wirimo wopilivila ni woripawo olelo enamurupa epula yawopiha: nyuwo musuwenle makhalelo a osulu, nave himusuwenle inenero sa mwetchelo welapo? <sup>4</sup>Atchu amutano, onanara murima ni oraruwa, anaveka enenero; nave hevahiwa enenero vohikhala yele ya yona. àhiyaka yawo àvinyavo. <sup>5</sup>Ohusera elapuwaka okhopela, yàtchuwala okusha ipau. <sup>6</sup>Yesu àlotcha ariki: mwikoso-peke ni miropo sa afarisi ni asaduki! <sup>7</sup>Nave ohusera yavanyihana, eriki: olotchenle hiha ntakhara hanikun'she ipau. <sup>8</sup>Yesu, asuwelaka, àhi: atchu a nrromelo noyeva, munupuwelelani nyuwo wi himukun'she ipau? <sup>9</sup>Nivano himunasuwela? Nari himunupuwela ipau thanu savonin'he atchu ikonto thanu ni saroliwa inyenyeri mitchanka mikavi sahala? <sup>10</sup>Hamunupuwelatho ipau ihe thanu napili mwakawenlanyu atchu ikonto sheshe? Sari mitchanka mikavi mwarolenlanyu. <sup>11</sup>mwahasuwelelaniwi nkalotcha sa ipau kiriki: mwikoso-peke ni miropo sa afarisi ni asaduki? <sup>12</sup>yàsuwela wi yesu halontche miropo sa ipau, tiwi alontche sa mahusiho a afarisi ni asaduki. <sup>13</sup>Yesu aphiyalaiye elapo yo Sesareya wa Filipe, àhakoha ohuseraawe ariki: atchu anamwera tani mwana a mutchu? <sup>14</sup>Awo yàhakhula: akina anamwera yohani mpatisi, akina aniwa ti Eliya; akina aniwa ti Jeremiya nari mulipa miririmu mukina. <sup>15</sup>Yesu àhakohatho: nki nyuwo munakera tani? <sup>16</sup>Vano Simone Pedro àmwakhula ariki: nyuwo mwa kristu mwana a muluku mukumi. <sup>17</sup>Yesu amwakhula ariki: oreriwa ti weyo Simoni, mwana a Yona, ntakhara yeyoolontchawe hayupululiwe ti mutchu a mwili nnikhani, tiwi atithi aka a wirimu, tolenle. <sup>18</sup>Miyo tho kinnoléla wi weyo wa Pedro, ti wi mwala. vasulu vamwala ola kinamutekavo muloko aka, nave ikuru sa okhwa hirwa ivotha yowo. <sup>19</sup>Kinamonnya ishavi sa omwene wa wirimu yothene onerawe omake vathi vava, enarwa emakiwa wirimu: ni yothene onerawe otaphule vathi vava enarwa etaphuliwa wirimu. <sup>20</sup>Yesu àhalela ohusera awe ariki: muhimulelé mutchu wi mi ka kristu. <sup>21</sup>Ovinya vava Yesu àpatchera walèla ohusera awe: kinahawela okokela o Yerusalemu, kahoshiwe vantchipale ti asitokwene alipa amalamulo ni alipa orepa, kinaya wiphiwa, nave nihioku naneraru naya kinan'vinya mokhwani. <sup>22</sup>Pedro àmukusha yesu, amukeriha wiphini, amusamela ariki: apwiya muluku ehemerere yeyo mulontchanyu. Yeyo, herwa yophatchuwelani. <sup>23</sup>Nave yesu arukunun'waiye, ahi wa Pedro: Satana, vinyavo vamithoni vaka! Weyo wa nluku nokikwatchuliha, ntakhara honupuwelela itchu sa muluku, nave sa atchuru. <sup>24</sup>Nave Yesu ahalelatho ohusera ariki: arivo mutchu onakhwela okitchara, apatchere wikhotcha mekhaiye, akushe mwikimanyo awe akitchareke. <sup>25</sup>Wona wi ole onasha ovulusha okumi awe, onamuyelela: nave yole oni ayelele okumi awe, wanthowa naka, onarwa aphwanya. <sup>26</sup>Mutchu onaphuran'vo, akhela elapo yothene ya vathi ayelenle okumi awe? Akhweya, etchu tani mutchu oneraiye akakhanyeno okumi awe? <sup>27</sup>Mwana a mutchu onan'wa muntchitchimiho na atithinya vamoha ni ankelo awe. Vava onarwa amukokihera mutchu, ntoko mwa miteko sawe. <sup>28</sup>Evelevelo kinnolélani wi akina a nyuwo muri vava helawiha okhwa, ehimonne mwana a mutchu awaka um omwene awe.

## Chapter 17

<sup>1</sup>Evinre mahiku mathanu na nimoha, Yesu ahakusha Pedro, Yakobo ni munnaweYohani, ayano omwako worakama yaworu. <sup>2</sup>Vavá atatushiwa emonaka. Ethoi awe yaharya ntoko nsuwa, sowara sawe sahèla ntoko omwalela. <sup>3</sup>Vano yàphiya Monse ni Eliya enalotcha ni yowo. <sup>4</sup>Pedro alotcha ni Yesu, i: pwiya, ti waphama wi nikhale vava.mwakhwelaka, kinamuteka vava mishakala miraru: mmoha okhale wa nyuwo, mukina wa Monse ni mukinatho wa Eliya. <sup>5</sup>Pedro, alotchaka iha, neku nawara nahakhunela, nave munekuni nahiweya nsu nriki: ola ti mwanaka òkhweleyasha, kinaphwanyakamo ohakalala waka: mun'wiriyanekene. <sup>6</sup>Yiwalaya masu ala, ohusera ale yàhuwela vathio wanthowa na wova. <sup>7</sup>Vano yesu awatchamela ni àtannya ariki: vinyani muhove! <sup>8</sup>Etchukhulaka mitho, yàmonne yesu pahi. <sup>9</sup>Ekhuruwaka vamwako vale, Yesu àhalela i: muhimulele mutchu yeyo monnanyu, ahakunve mwana a mutchu ovinya mokhwani. <sup>10</sup>Ohusera yàmwakhula: ntakhara sheni alipa orepa analotchaya wi Eliya t'oni apatchere owa kristu ahiwiye? <sup>11</sup>Yesu àwakhula: evelevelo ene Eliya onamurwa arehere sothene. <sup>12</sup>Nave miyo kinnoletani wi Eliya owa, ahisuweliwa atchu yamwerela yowo sothene yakhwelaya. Hihatho mwana a mutchu onawa ahoshiwa ti yawo. <sup>13</sup>Vanonto ohusera yàsuwela wi yesu amulotcha yohani mpatisi. <sup>14</sup>Yaphiyalaya veri va, atchu, àmwatchamela yowo mulopwana, àkokhora ni ànveka: <sup>15</sup>Pwiya, mummorele ikharari mwanaka, mwamulopwana, wona wi onitcheliwa etchiletlechile ni onnatepa ohawano vanchipale onnamorela vikho ni mahiku makina onnamorela mmahini. <sup>16</sup>Miyo komukeriha wa ohuseranyu, nave hem'wenre ompenusha. <sup>17</sup>Yesu àhi: atchu amutano nyu, ohiroromela ni ohuwela! Ophiyera lini kineraka kikhale ni nyuwo? Ophiyera lini kovilelakani? Mukiruhele va. <sup>18</sup>Yesu asamela munepa wonanara, okhuma mwa mmiravo. Ovinya elukuluku ene yele, mmiravo apenuwa. <sup>19</sup>Vava ohusera yamwatchamela Yesu vamekhaya emukoha, eriki; ntakhara sheni hiyo nihiwen'rahu wikaramo? <sup>20</sup>Yesu àwakhula: wa nthowa na nrromelo nanyu noyeva. Tchiri kinnoletani: mwarino nrromelo ntoko enuku ya mostarda, mwamulotchelaka mwako ola: ovinyevo, oye vale, owo onanvi'nyavo. Hiha , hi'yavo muneranyu muhiwereke. <sup>21</sup>Nloko na minepa sonanara iha nnakhumihiwa pahi ni mavekelo ni winanela òtcha. <sup>22</sup>Yathukumannaya oGalileya, Yesu ahi wa ohuserawe: mwana a mutchu onanveleliwa wa atchu. <sup>23</sup>Nave yawo anammwipha. Nave nihiku naneraru naya onanvinya mokhwani.ni ohusera yàtepa winiwa mirima. <sup>24</sup>Yesu ni ohuserawe yaphiyalaya oKafarnau, yamwatchamela , alipa oliviha musokho, a makupa mèli emukoha: muhusihanyu ohinalivela heni musokho? <sup>25</sup>Pedro àhakhula ariki: à, onnaperekha: ni avolowaka mpa, Yesu àmukoha ariki: onupuwelani, simoni? Mamwene a elapo anakhela nani sovelela ni musokho? Wa anaya nari wa amalapo? <sup>26</sup>Pedro àmwakhula i: wa amalapo.Yesu àhi: vawihaha anamwane hanaliva. <sup>27</sup>Vano wi hiyo nihahuwelihe awo, hawe ophareya, oreye nimeso. Ehopa yopatchera eni emire, ophare ni ohule eyano aya onamphwanyamo ikhorowa, okushe ni ovelele wa yowo saka ni sawà.

## Chapter 18

<sup>1</sup>Elukuluku yeyo òhusera yamwamtchamela Yesu emukoha: tani ori mutokhwene sha hanahiyamomweneni wa wirimu? <sup>2</sup>Yesu amwitchana mwana amwemesha veri vaya. <sup>3</sup>Ni àhi: evelevelo miyo kinnoledani wi mwahirukunushamirima ni mwahikhala ntoko anamwane, akhani himurwaru nvolowa momweneni wa wirimu. <sup>4</sup>Vano yowo oni iyevihe ntoko mwana ola,yowo t'ori mutokhwenesha momweneni wa wirimu. <sup>5</sup>Yowotho onamwakhela mwana siyola um nsina naka, onakakhela yomi ene. <sup>6</sup>Akhalá mutchu onamutchekiha mmoha wa anamwane ala anakemerera miyo,yorèra ori ommakelela mushikoni nshilo nolimela ni ariheliwe mmahini mwa ephareya yawisha. <sup>7</sup>Motakhaliwa nyuwo elapo yavathi wa nthowa na sotchekiha! Sotchekiha himalá owa mwelaponi, nave òtakhaliwa ti mutchu, yole onaruha! <sup>8</sup>Ntata nà nari nnani ná nòtchekiha, othikile ni orihele worekamawo wa weyo. Yaphama ori ovolowa mwekumini ni ntata nari nnani nimoha,ohiya wi arino mata meli ni inani pili oriheliwe omoroni wohimala. <sup>9</sup>Nave nitho ná notchekiha, owosole orihe worekamawo wa weyo. Ti waphama ovolowe nnitho nimoharu mwekumini, ohiya wi orino mitho meli oriheliwe nipuro namoro. <sup>10</sup>muhimunyemule mmoha mano wa anamwane ala, ntakhara miyo kinnolélani wi ankelo aya, wirimu, annona ethoi ya atithi aka ari wirimu. <sup>11</sup>Wona wi mwana a mutchu awiye ovulusha yeyo yarimenle. <sup>12</sup>Nki nyuwo munona hayi? Mutchu orino iputcheputche nsana, emoha yarimela, owo hanahiya omiyakoni ihe makhumi mathanu nasheshe ni iputcheputche thanu nasheshe, aya anasa yele erimenlé? <sup>13</sup>Awerà ophwanya yeyo, evelevelo kinnoledani wi amwariyeonamuhakalalasha ni yeyo, ohiya ihe makhumi mathanu na masheshe ni iputcheputche thanu nasheshe ihrimenle. <sup>14</sup>Hihatho ti okhwela wa atithinyu ari wirimu wi nari mmoha wa anamwane ala ahirimele. <sup>15</sup>Mukhwà otchekela, hawé, wamulake okhwipi muriwo apiliru awiwelela, womukòkihera mumphironi mwaphama. <sup>16</sup>Ahiwiwelela, wawope atchu akina apili nari araru, wi mulatcu owo walotchiwe vamithoni va anémona eli nari araru. <sup>17</sup>Nave ahiwiwelela anémona, yawo, hawé walele muloko; nave ahiwelela ni muloko ene, mmwere ntoko mmalapo nari mulipa a mushokho. <sup>18</sup>Mwa evelevelo miyo kinnolélani: sothene muneranyu mmake vathiva, inarwa imakiwa wirimu; nave sothene muneranyu mutaphule vathiva, inarwa itaphuliwa wirimu. <sup>19</sup>Kinnolélanitho; yathukumana atchu eli mwa nyuwo, evekaka etchu anakhwelaya anamwakhelihiwa t'atithi aka ari wirimu. <sup>20</sup>Vava atchu athukumannayavo eli nari araru mwa nsina naka, miyo kiri varyari vaya. <sup>21</sup>Pedro amwatchamela Yesu, amukoha ariki: mukhwaka akitchekela, kimukhurumuwele okavi? Akhweya kimukhurumuwele ikwaha thanu na pili? <sup>22</sup>Yesu àmwakhula i: nkinoléla wi omulevelele ikhwaha thanu napili, nave kinoléla wi omulevelele ikhwaha makhumi mathanu nameli wulùla vathanu napili. <sup>23</sup>Vawihiha, omwene wa wirimu onaphwanaphwana ni mwene mmoha akhwenle waveka atchu awe sothene yasiyanraya. <sup>24</sup>Apatchenraiye, aruheliwa mutchu mmoha apolen'ye ikhorowa amili, amili ene amili khumi. <sup>25</sup>Wona wi owo harino etchu yolivano, mwene yole arumiha wi akulihiwe owo ni amwariye, anawe othene ni itchu sothene ariyeno, wi alive mankau othene. <sup>26</sup>Namuteko yowo, iwalaiye, àkokhora va mithoni vawe, amphara metcho, ariki: mukemerere miyo, kinamolivani sothene. <sup>27</sup>Pwiya yole, àmoriwano ikharari, amukhurumuwele mankau awe, amurowiha. <sup>28</sup>Namuteko ole arowaka, àkumana ni mukhwawe asiyanre ikhorowa vakhani vava, ànamuhirikinya eshiko ariki: okòkihe ikhorowa saka. <sup>29</sup>Mukhwawe yole àmukokhorela, àmphara metcho ariki: kivahe mahiku tonto ni kinamoliva sothene. <sup>30</sup>Mulopwana yole àkhotcha, apwahavo, amphariha mukhwawe yowo ni an'waleliha mukariposo, ophiya wi alive mankau othene. <sup>31</sup>Akwawe, yòna sothene seren'ye satapa wananara, ni yàya omulela iha mwene yole amulevelenle yowo. <sup>32</sup>Vava pwiya awe amwitchana namuteko amukhurumuwenlaiye, amukoha, ariki: namuteko we onanara murima! Miyo kihokhurumuwele ekonkori à yele yothene, ntakhara wari mukiveka. <sup>33</sup>Weyo tho hiwawera ommorela ikharari mukhwá, ntoko miyo komorenlaka ikharari?. <sup>34</sup>Mwene ole ànanariwa ni yowo, àmmaka ni ànnya asuphayi wi emuhoshe ophiya oliva ekonkori yothene. <sup>35</sup>Hihatho anan'werelanitho atithi aka a wirimu mwahinalevelelana ni murima wothene.

## Chapter 19

<sup>1</sup>Yàhereya wi yesu, amalin'haiye masu ala, àvinyawo oGalileya ni àya omunkàno wa Yudeya, okhopela wa yordano. <sup>2</sup>Nave muloko mutokwene wa atchu wanamutchara, ni wiwo ànapenusha awitcheliwa. <sup>3</sup>Yamwatchamela Yesu afarisi akina wi emwerere, yi; wa yowo: ennemerereya wi mulopwana amwalane ni mwariye ni nthowa puré? <sup>4</sup>Vava Yesu ahakhula: hamwalakhanye wi mpatusha, wopatcherani, ampatusha mulopwana ni muthiyana? <sup>5</sup>Tivanto mulopwana oneraiye ahiye atithinya ni amannya ni aphitane ni mwariye, nave opili awo eni ekhale mutchu mmoharu. <sup>6</sup>Vano hari eli nave mutchu mmoharu. Tiva yeyo Muluku ophitanniyiye mutchu ahmwalanye. <sup>7</sup>Yamukoha tho Yesu: ntakhara sheni tho Monse olamunlaiye omunnya ekarta yomwalana ni yomurowiha. <sup>8</sup>Yesu àwakhula, ariki: Monse ohohiyani wi munamwalana ni asarinyu wa ntowa nawuma wanyu murima. Nave wopatcherani hiwari hiha. <sup>9</sup>Vano kinnoletani wi yole onamwalana ni mwariye, vohikhala nthowa na mararuwo, amuthela mukina, yowo onamuraruwa. Nave yole oni amuthele muthiyana orowihwe, onamuraruwano. <sup>10</sup>Vano ohuserawe yahi wa yowo: mukhalelo wa mulopwana ni mwariye wakhala wawihhi, ti waphama ohithela. <sup>11</sup>Nave Yesu àwakhula, ariki: tahi atchu othene anawera wakhela masu yala, ti wi yaleru avahiwe. <sup>12</sup>Ntakhara àkhala atchu ohiyara, yayariwe awihhi mwa amai aya: nave àkhala ohiyara, yahuliwe t'atchu, nave tho àkhala ohiyara akina yihunle mekhaya wa nthowa na mwene wa wirimu. yowo onawera wakhela, akhele. <sup>13</sup>Vavo yànaruhiwa anamwane, wi Yesu akuhere mata awe ni àvekelele, nave ohuserawe yànasamela. <sup>14</sup>Yesu àhi wa yawo mwahiye anamwane awo ni muhahiwe owa wa miyo, ntakhara ti wawaya omwene wa wirimu. <sup>15</sup>Nave akuhenraiye mata, apwahavo. <sup>16</sup>Mutchu mmoha amwatchamela Yesu, i: muhusiha, kere etchu tani yaphama wi kikhaleno okumi wohimala? <sup>17</sup>Yesu amwakhula: onakikoherani yaphama eyo? Havo afama, ohikhala Muluku pahi. nave wakhwelaka ovolowa wokumini otchariwe malamulo. <sup>18</sup>Yowo ahi wa yesu: tavi? Yesu amwakhula: ohiphe, ohiraruwe, ohije, ohinamothera mukhwa. <sup>19</sup>Watchitchimiheke atithi ni amaye ni omukhweleke mukhwa antoko weyo onikhwelawe. <sup>20</sup>Nave mmiravo owo alotcha ariki: Sothesene hiho kòtchariha opatchera kiye've. Vano ekihanle tiheni? <sup>21</sup>Yesu ahi wammiravo: Wakhwelaka okhala awakhwanela, hawe, wakulihe sothene oraweno, wawahe ohawa, nave onamukhalano muhakhu wirimu. Vava nto owe, okitchareke. <sup>22</sup>Mmiravo owo, iwalaiye masu ala àvinyavo murima omwinale ntakhara àtepa oréla. <sup>23</sup>Yesu alotcha ni ohuserawe ariki: Tchiri kinnoletani wi ovila mulipa orela ovolowa momweneni wa wirimu. <sup>24</sup>Kinnoletanitho: Eri yokhweya wi ekhamila evolowe vamwitheni wasikano ohiya wi mulipa orela avolowe momweneni wa wirimu. <sup>25</sup>Ohusera yiwalaya yeyo yàtepa otikhina ni yahi: Vanonto tani oni awere ovuluwa? <sup>26</sup>Yesu ahaweha ni ahi: Wamutchu, yeyo henawereya: Nave Muluku onnawerasothene. <sup>27</sup>Vava Pedro alotchano, ariki: Hiyo nohiya sothene, notcharane, nnaya wakhelani? <sup>28</sup>Yesu ahi: Evelevelo kinnoletani nyuwo munakitchara, wi elukuluku yoreheriwa sothene mwahihano, mwana amutchu akilathi va munyukhuni wa ntchitchimihonawe, nyuwotho munawa mukilathi vaminnyukhu khumi namili wi muthoriheke mahimo khumi namili aisraele. <sup>29</sup>Muthu yole ohiyale ipa sawe, nari asinnawe, nari arokoriye, atithinya nari amannya, nari anawe, nari imatcha sawe wanthowa na nsina naka, onamwakhela hiho ohiyalaiye opwaha ikhwaha nsana, vamohatho ni okumi wohimala. <sup>30</sup>Hiha antchipale ari opatchera anamukhala okutchula, nave antchipale ari okutchula anamukhala opatchera

## Chapter 20

<sup>1</sup> Omwene wa wirimu onalikanatho ni mulopwana mmoha apehenre wawopela anamalapa mmatchani mwawe. <sup>2</sup> Alakanano waliva yawo ni ikhorowa sakheliwa vanihikuni, nave aruma mmatchanimmo. <sup>3</sup> Ivinre iwora raru, avinya apwanya atchu akina yemenle mmakhilikano ehëraka etchu. <sup>4</sup> i wa yawo: haweni mwalimeke mmatchani mwaka, kiwakheliheni yeyo eri yophwanelela. Yawo yayawo. <sup>5</sup> Avinyatho othana ni nsuwa nthitimanaka, àrumihelawo akina. <sup>6</sup> Nsuwa nimorelakamo, ahapwanya akina, àkoha, ariki: murimwihayi onilayavo muheraka etchu nihiku nothene? <sup>7</sup> Awo yàmwakhula: hinimonne mutchu ene omulapa. Mulopwana ole alotcha ariki: Haweni nyuwotho, mwalimeke mmatchani mwaka. <sup>8</sup> Wilakavo, àmuruma, mutokwene anamalapa awe ariki: hawe waworoshe anamalapa, ni walive muteko wolelo. Wapatchere yale aphin'ye oshekuwa ophiyera alipa òpehera. <sup>9</sup> Apatchera waliva yale yaphin'ye nsuwa nimorelakamo, yakhela yolivela ya vanihikuni. <sup>10</sup> Ale òpatchera yùpuwela wi anannvahiwa ikhorowa sawatcha, nave yaliviwe ni ikhorowa imohamoha. <sup>11</sup> Yakhenlaya yanamwapa mwanene ematcha eriki. <sup>12</sup> Ala alampe elukuluku tonto aliviwe vamohamoha ni hiyo, nlampe nihiku nothene ninsuwanene. <sup>13</sup> Mwanene àmwakhula mmoha wa yawo i: Mukhwaka, miyo nkiwerenle yohiphwanela! Opatcheraka muteko hinapakanenle nilelo na nihiku? <sup>14</sup> Vano wakhele yeyo eri yawà, ovinnye onarowa. Miyo kinakhwela onnvaha ola yeyo kovan'haka weyo. <sup>15</sup> Wakhweya miyo nkinawera werela kinakhwelaka yeyo eri yaka? Wakhweya orino inrima wa nthowa na orerawaka murima? <sup>16</sup> Hiha alipa omaliha anamukhala opatchera, nave alipa opatchera anamukhala omaliha. Awitchaniwa tantchipale othanliwa vakhani. <sup>17</sup> Yesu awelaka o Yerusalemu, ayaka mmphironi, ahakusha ale khumi na pili analotchano ariki: <sup>18</sup> Onani wi nnawela o Yerusalemu, ni wiwo mwana a mutchu onanvelèliwa wa sitokhwene a alipa a mukutcho ni wa alipa orepa. yawo anammuvaha ekoi yokhwa. <sup>19</sup> Anamunvelela wa amalapo wi anyemuliwe, awashuliwe ni akhomeliwe vamwikimanyo: nave nihiku naneraru naya onanvinya mokhwani. <sup>20</sup> Arikimmaliharuru olotcha, yàmwatchamela Yesu amai a anamwane a Zebedeu ni anaya nave yàkokhora vamithoni va Yesu wi enveke etchu. <sup>21</sup> Yesu àmukoha: onakhwelani? Owo amwakhula: warume, anaka ala eli wi ekirathi momweneni mwanyu, mmoha mono wolopwana mukina mono wothiyana. <sup>22</sup> Yesu awakhula: nyuwo hamunasuwela etchu munavekanyu. Munan'wera owura ekahi miyo kineraka kiwure? Yawo yahakhula, eriki: ai nnan'wera. <sup>23</sup> Yesu ahi: ekahi aka munan'wurera. Nave wi mukilathi mono wolopwana nari wothiyana tahi miyo kinavaha, ori wa yale atithi aka areherenlaya. <sup>24</sup> Ale akina khumi yiwale sothene, yànanariwa ni ale eli. <sup>25</sup> Yesu awitchana othene, alotchano, ariki: mosuwela wi mamwene a maloko anàlamula atchu aya ni wirumiha nave asitokhwene aya annalapiha ni owali: <sup>26</sup> Wa nyuwo tahi hiha. Yowo onakhwela okhala mutokwene, akhale namalapanyu. <sup>27</sup> Wa nyuwo onakhwela okhala òpatchera, akhale mulapeli anyu. <sup>28</sup> Tiwi mwana hawenle olampwa, nave walapela atchu ni ovaha okumi awe wi awopole antchipale. <sup>29</sup> Evinyaka OJeriko, muloko mutokwene wa atchu wàmutchara Yesu. <sup>30</sup> Nave onani alipa èvasi eli yakiranthe mushereshere wa musewe, yiwaka wi Yesu anavira, yanakhuwela: pwiya, mwana a Davide, onimorele ikharari! <sup>31</sup> Muloko wa atchu wànàsamela wi emàle, nave yawo yànvira ekhuwelaka: pwiya mwana a Davide, onimorele ikharari! <sup>32</sup> Yesu àhemela, awitchana ni àhi: tisheni munakhwelanyu wi kiwereleni? <sup>33</sup> Ale yàmwakhula pwiya, wi mitho ahu ehuleye. <sup>34</sup> Yesu, vomoriwa ikharari, àtanya mitho aya ni, elukuluku ene yeyo, epatchera wona ni yàmutchara.

## Chapter 21

<sup>1</sup>Yesu ni ohuserawe yatchamelaka oyerusalemu, yàphiya elapo yiwa Betfage vakhiviru vamwako Oliveti. Yesu aharumiha ohusera awe eli, <sup>2</sup>ariki: muhole, muye epoma mwatchamenlanyu; vava munamumphwanya mwashana a phùru amakeleliwe vamoha ni amannya. Mwataphule, mwawihe. <sup>3</sup>Ni akhala oni okoheni ariki: munataphulelani?, mmwakhule mwere: apwiya t'anakhwelá, nave anamwakòkiha hihano vava. <sup>4</sup>Sothesene hiha seren'ye wi ekhwaniheriwe masu yalotchiwe ni mulipa miririmu eriki: <sup>5</sup>Mmulèle mwana amwamuthiyana Osiau muriki: omone mwene opisha murima on'wenle puru ni mwana a puru ontesha muritchi. <sup>6</sup>Ohusera yale yatchimula, yerano ntoko yesu arummaiye. <sup>7</sup>Yàmuruha puru ni mwanawe ni yahakuhera vatchuli vava sowara ni yesu àkirathela. <sup>8</sup>Nave muloko muntchipale wa atchu, wànatalela sowara saya mmuseweni, akina yanantaka mirayi sa miri ni yàatelela vatcheyani. <sup>9</sup>Ni atchu antchipale yahonle ni yowo yamutchara Yesu, yanakhuwela eriki: Hosana mwana a Davide! Orelihiwa tuwo onawa mu nsina na apwiya. Hosana, wirimurimu! <sup>10</sup>Yesu avolon'waiye o Yerusalemu, atchu othene a epoma yele yàtchukuruwa, yanakohana eriki: tani yola? <sup>11</sup>Nave muloko wa atchu wànakhula: Ti mulipa a miririmu Yesu o Nazarete elapo yo Galileya. <sup>12</sup>Vanonto Yesu àvolowa mpa mwa muluku ni awikaramo alipa a marotcha nialipa òthuma yari mpa mwa muluku, àpitchula mesa a alipa otoroka ikhorowa ni mipantcho sa yale yakuliha ipompa. <sup>13</sup>Vava Yesu ahi wa yawo: worempwa: empaka enawa yitchaniwa empa yovekelamo, vano nyuwo munera nikhuku na ampava. <sup>14</sup>Yàmwatchamela yowo mpa mwa muluku alipa èvasi ni orakala nave owo àhapenusha. <sup>15</sup>Asitokwene a alipa a mukutcho ni alipa òrepa, yonaka sotikiniha enraiye, ni anamwane ekhuwelaka mpa mwa muluku eriki: ovuwa wa mwana a Davide, yànanariwa, <sup>16</sup>Nave yàhi wa Yesu : onniwa anlotchaya? Yesu awakhula A! Himuntonko walakhanya: mwano mwa anamwane anetchá ni ammatani nophwanyeyamo ntchitchimiho nanyu? <sup>17</sup>Oholo waya ahiyaka yawo, àvinyavo vapoma ni aya OBetaniya, àkona wiwo. <sup>18</sup>woshishelo Yesu, akokelaka opoma, àvoliwa. <sup>19</sup>Onnaiye mukùkhu oshereshere wa musewe, àyawo, nave aphwanye makukhuru. ni àhi wa mukùkhu yowo: ohirweru wime! Nave vohilekela mukùkhu wàhuma. <sup>20</sup>Ohusera, yonaka yeyo, yàtikhina, yani wumale hai vohilekela mukùkhu ola? <sup>21</sup>Yesu àhakhula, ariki evelelelo kinnoletani wi, mwaroromela muhikhwaka minikwa hamwera yelaru kenraka nimukùkhu ola, munamulotchatho ni mwako ola, muriki: ovinyevo wirihele mphareya nave yeyo enamwereya. <sup>22</sup>Sothesene muneranyu munaveka ni nrromelo mmavekeloni mwanyu, munamwakhela. <sup>23</sup>Avolon'waiye mpa mwa muluku anahusiha. Asitokhwene amukutcho ni asitokhwene a nloko yàmwatchamela ni yamukoha: ni ikuru sawani muneranyu itchu iha? Tani ovan'heni owera wu? <sup>24</sup>Yesu àwakhula i: miyotho kinnokohani etchu emoharu. mwakhula, miyotho kinamolelani ni ikuru sawani kinerakano itchu iha. <sup>25</sup>Opatiso wa Yohani onarwa wowi, wirimu nari wa atchu? Yawo yànalotcha mukina ni mukhwawe eriki: nàkhula wirimu, owo onamwera: ntakhara sheni muhimwemereranyu yowo? <sup>26</sup>Nàkhula wa atchu, nnova muloko wa atchu, wona wi othene anamona wi Yohani ntoko mulipa a miririmu. <sup>27</sup>Wa yela yàmwakhula Yesu: Hinsuwenle! Vano owo àhakhula: nari miyotho nkinolelani ni ikuru sawani kinerakano itchu iha. <sup>28</sup>Nki nyuwo munona hai? Mulopwana mmoha arino anamwane awe eli: aya wa opatchera, i: mwanaka, hawe walime olelo mmatchani mwaka. <sup>29</sup>owo àwakhula, ariki : nkiyawo. Nave alapelenlaiye murimawe, ayawo. <sup>30</sup>Tithi yole aya tho wa mwanawe mukina, amuruma emohamoha. Ola ahakhula, i: miyo kinamuyawo, papá nave hakelewo. <sup>31</sup>Wa anamwane ala eli, tuvi enreno yokhwela ya atithinya? Awo yamwakhula: tula opatchera. yesu ahalela, ariki: evelelelo kinnoletani wi alipa a musokho ni athiyana oraruwa anamoholelani um omwene wa Muluku. <sup>32</sup>Yohane mpatisi owa wanyuwo oniha eraka ephiro yawokololowa, nave nyuwo hamwamuroromenle. Nave alipa amusokho ni athiyana oraruwa amuroromela, nyuwo nari monaka itchu iha, hamurukunun'we murima wi mmuroromele yowo. <sup>33</sup>Iwani niphwanaphwaniho nikina: Akhalavo mulopwana mmoha anle miri savideira. àtekela mukuso, àrehera nipuro wovotchamo sa wima ni ateka empa yamutchontcho. Ahahiyera anamalapa ni atchimula ayaka elapo ekina. <sup>34</sup>Yaphiyalaya elukuluku yomurula uva mmatchani, aharumihelawo anamuteko awe wi yakhele makupa awe. <sup>35</sup>Anamalima yale yahaphara anmuteko awe emana mmoha, mukina emwipha, mukhwawe envonya maluku. <sup>36</sup>Mwanene a ematcha aharumihelawo anamalapa akina awatcha sha opwaha ale opatchera ni anamalima yawerele emohamoha yele yawerenlaya opatchera. <sup>37</sup>Wokutchula, aharumihela mwanawe, ariki: Ola mwanaka, anammutchitchimiha. <sup>38</sup>Nave anamalima, yamonnayamwana, yalakana yi: Olatani ahalelo ematcha ya tithinya, nimwiphe wihiyo nihaleno muhakhu awe. <sup>39</sup>Yamphara, empurulela okwipi wa ematcha emwipha. <sup>40</sup>Awa mwanene a ematcha oni awerele heni anamalapa awo? <sup>41</sup>Ale yamwakhula: Onamwatolosha anamalapa ale onanara murima, onan'wasa anamalapa akina enievelelele sawima elukuluku yophwanelela. <sup>42</sup>Yesu ahakoha ariki: Hamuntonko walakhanya sorempwa? Nluku nathanyiwa ti alipa opaka empa, nokoka nikhala nopharela empa. Ela enawela wa apwiya; Elatiyotikhniha vamithoni vanyu. <sup>43</sup>Vawihhi kinnoletani: Munamwakhiwa omwene wa Muluku ni oni ovahiwe nloko na atchu nni noneiheke sa wima saya. <sup>44</sup>Yowo oni uwele nluku nla

onamunyanyeya,ni yowo oni uweliwe ti nluku nla onmphitiwa.<sup>45</sup> Asitokwene aephepa ni Afaresi,yiwaka mapwanapwaniho ala,yasuwela wi alotcha yawo. <sup>46</sup>Vava yanasa omphara,nave yanova muloko wa atchu,ntakhara wamwera mulipa amiririmu.

## Chapter 22

<sup>1</sup>Yesu analela ni maphwanaphwaniho ariki: <sup>2</sup>Omwene wa wirimu onalikana ni mwene mmoha apanke yotcha ya mwanawe athelá. <sup>3</sup>Aharumiha anamuteko awe owitchana atchu yawopeliwe efesta yele. Nave yala hiyakhwenle owa. <sup>4</sup>Aharumiha tho anamutekpo akina ni masu ala: mwalele atchu yale owompwa : yotcha yomalela; imope saka ni inama ikina soneneva ihiphiwa m'we intche. <sup>5</sup>Nave awo hiyathokoronre ni yámwalamwala mmoha ayaka omatcha wawe, mukina ayaka omarotchani wawe. <sup>6</sup>Akinaku yahaphara anamuteko yale amwene, yahosha ewipha. <sup>7</sup>Mwene owo àtepa onanariwa, arumiha anakhotcho awe yatoloshe alipa awipa yale, yeyela epoma aya. <sup>8</sup>Vava ahi wa anamuteko: yotcha yomalela, nave atchu owompwa haphwanelenle. <sup>9</sup>Haweni mmakhilikano mwa iphiro, mwawope atchu othene muneranyu mwaphwanye. <sup>10</sup>Vava anamuteko yale yàtchimula ni yahawopa atchu othene yaphwannayaya, òrèra murima ni onanara murima ni empa yàsareya. <sup>11</sup>Vano mwene avolowa wi awehe alipa owompwa ni mwa yale àmphwanyamo mutchu nnoha ahiwanre yowara ya vothelani. <sup>12</sup>Ni àmukoha ariki: nthamwene nvolon'wemo hai muhiwanre yowara ya vothelani? Nave owo hakhunleru. <sup>13</sup>Mwene aharuma anamuteko awe: mmakeni mata ni manani, ni muriheleni okhwipi ori epiphi: mummo onakhalamo wunla ni okhuriha minno. <sup>14</sup>Tiwi awitchaniwa ari awatcha, nave othanliwa ari vakhani. <sup>15</sup>Vano afarisi yaron'waya, yàthukumana evanelaka mampharelo Yesu mmalotcheloni mwawe. <sup>16</sup>Yàmurumihela muhusera vamoha ni atchu akina a muloko wa Herode, wi emukohe: muhusiha, nòsuwela wi ori a evelevelo, onahusiha evelevelo ene mphiro wa muluku ni hiwano nthalu ni mutchu, wona wi honavarera ethoi ya atchu. <sup>17</sup>Vano munlele, munona hai; ninnaphwanela oliva musokho wa kaisara, akhweya hoye? <sup>18</sup>Nave Yesu asuwela mupuwelo aya onanara, awakhula, ariki: owoka nyuwo, munakerera hai? <sup>19</sup>Koniheni ekhorowa emoha. <sup>20</sup>Nave Yesu ahakoha ariki: eruku ela ti yawani? Ni orempwennvo? <sup>21</sup>Awo yamwakhula: ti ya Sèzar! Yesu awakhulatho ariki: mmukokihere Sèzar eri ya Sèzar, ni mmukokihere muluku eri ya muluku. <sup>22</sup>Yiwalaya yeyo, yàkhala òtikhina, nave emuhiyaka yawo yàrowa. <sup>23</sup>Nihiku nene nenle yamwatchamela Yesu asaduki, yawo ahinemerera sa ovinya mokhwani. Yàmukoha yowo, yì; <sup>24</sup>Muhusiha, Monse àhi: emwi mulopwana akhwa ahimuyanreru mwana, munnawe amuthele namukhwele, wi amuyarele anamwane. <sup>25</sup>Yàkhalavo mwa hiyo alopwana athanu napili, onnayar. Òpatchera athenlaiye, akhwa ahiyanreno mwariye, nave munnawe ahalano muthiyana yole. <sup>26</sup>Hiha yahereya ni munnawe anawili, ni aneraru, ophiyera anethanu na pili. <sup>27</sup>Vomalihera yakhwilaya othene yawo, àkhwa muthiyanatho. <sup>28</sup>Vano, mwa ovinya mokhwani, muthiyana yole oni akhale awani wayale athanu napili onnaya, ntakhara othene yamuthela? <sup>29</sup>Yesu awakhula: mohuwela, vohisuwela sorempwa nari ikuru sa muluku. <sup>30</sup>Evelevelo, movinyani mokhwani nari alopwana hanathela, nave athiyanatho hanatheliwa, nave othene ari ntoko ankelo a wirimu. <sup>31</sup>Wa ovinya mokhwani wa alipa òkhwa, himwalakhannye yele muluku alontchaiye ni nyuwo: <sup>32</sup>Miyo ka muluku Abrahamu muluku a Isaki ni muluku aYakobo? Owo tahi muluku atchu òkhwa, nave muluku àkumi! <sup>33</sup>Yiwalaya yeyo, muloko wa atchu watikhina ni ohusiha wawe. <sup>34</sup>Afarisi yiwalaya wi Yesu ahamàliha Asaduki, yàthukumana . <sup>35</sup>Mmoha wa yawo, muhusiha a malamulo, àmukoha Yesu amwereraka: <sup>36</sup>Muhusiha, wa malamulo othene, ntokotokosha ti nivi? <sup>37</sup>Yesu amwàkhula, ariki: wakhwele apwiya Muluku à ni murima à wothene ni okhumi à wothene ni miruku à yothene. <sup>38</sup>Nla nri nlamulo ntokotoko ni nopatchera. <sup>39</sup>Nlamulo na nawili nnalikana ni nopatchera, tinla: omukhwele mukhwa à ntoko onikhwelawe weyo mwanene! <sup>40</sup>Masu othene a malamulo ni alipa a miririmu anaphareliwa ti malamulo yala mèli. <sup>41</sup>Afarisi ethukumanne Yesu ahakoha: <sup>42</sup>Nyuwo munupuwelani sa kristu? Mwana awani? Awo yamwakhula: ti mwana a Davide. <sup>43</sup>Yesu ahi wa yawo: vano onlotchelani Davide, amwaléliwe ti munepa wi owo ti pwiya awe , ariki: <sup>44</sup>Apwiya àlotcha wa apwiya: okirathe mono aka wolopwana. Ophiyera miyo kakuhe amwitchana á vathi va inani sá? . <sup>45</sup>Vano Davide onamwitchana owo pwiya, oweri oni hai okhala tho mwana awe? <sup>46</sup>Nave havo awera omwakhula etchu. Ovinya nihiku ninlo harivo awera omukoha yowo.

## Chapter 23

<sup>1</sup>Yesu àhalèla atchu ni ohuserawe ariki: <sup>2</sup>Alipa orepa ni afarisi takiranthe vampatchoni wa Monse. <sup>3</sup>Mwerekeno mutcharihaka sothene anohusihayani, nave muhulikanyiheke hiho aneraya. Yawo anona olotcharu eherakano. <sup>4</sup>Annamakanya maphuta, enawireiha akhwaya nave akanene hanatesharu nari ni ekatha emoharu, mano. <sup>5</sup>Sothene aneraya annera wi yoniweke t'atchu, annawara sowara sorakama ni annapateya irempwemo malamulo. <sup>6</sup>Ni onnàsivela okirathi vampuroni wotchitchimiheya motchani ni mmuthukumanoni: <sup>7</sup>Onnàsivelatho olotcheliwa mumphironi ni witchaniwa amuhusiha. <sup>8</sup>Nave nyuwo muhitchaniweke muhusiha, wona wi muhusihanyu ori mmoharu, ni nyuwo othene onnanyuru. <sup>9</sup>Mwilaponi ahikhalevo muneranyu mmwitchaneke Tithi, wona wi Tithinyu ori mmoharu, yowo a wirimu. <sup>10</sup>Nave muhitchaniweke muholi, wona wi muholi ahu ori mmoharu, kristu. <sup>11</sup>Yole ori mutokwene anyu akhale namutekwanyu. <sup>12</sup>Yole onisunnuwiha, onarwa ayevehiwa; nave yole oniiivehiha onarwa annuwihwa. <sup>13</sup>Otchilu ti wa nyuwo, alipa orepa ni afarisi, owoka! Ntakhara munnàwalela atchu omwene wa wirimu, wona wi nyuwo himunavolowamo, nari himunàhiya ovolowa yale anakhwelá. <sup>14</sup>Otchilu ti wa nyuwo, alipa orepa ni afarisi, owoka! Nyuwo munnatcha itchu sa anamukhwele ni munisoniha ovekelavantchipale; tiva munamuthorihiwa vatokotoko. <sup>15</sup>Otchilu ti wa nyuwo, alipa orepa, ni afarisi, owoka! Munetchetcha mphareya muyaka ilapo ikina, mwasaka omutcharusha mutchu mmoha mano, nave mwawera, omuhusiha, onakhala ophwanelela oya omoroni ikhwaha pili wopwahani nyuwo. <sup>16</sup>Otchilu ti wa nyuwo, aholeli èvasi, muni: yowo onalipela empa ya muluku, olipela wawe ti wa siyo; nave yowo onalipela muhakhu wa empa ya muluku, olipela wawe ti wophwanela otchariha. <sup>17</sup>òlosowa ni èvasi! Tevi eri etokwene opwaha, muhakhu nari empa ya muluku eneliha muhakhu? <sup>18</sup>Munitho: mutchu olipela nipuro na mukutcho tahi etchu; nave olipela yovelèla vanipuroni na mukutcho, olipela wawe ti wororomeleya. <sup>19</sup>Alipa èvasi! Tevi eri etokwene opwaha, ti yovelele nari ti nipuro namukutcho nnèliha yovaha? <sup>20</sup>Ntakhara yole onalipela nipuro na mukutcho, onnalipela nipuro nlo ni itchu sothene iri vavale. <sup>21</sup>Nave yole onalipela empa ya muluku, onnalipela yeyo ni yole onakhala mummo. <sup>22</sup>Nave vomalihera, yole onalipela wirimu, onnalipela munyukhu wa muluku ni yowo okiranthevo. <sup>23</sup>Otchilu ti wa nyuwo, alipa orepa ni afarisi, owoka! Nyuwo munalivela musokho wa itchu ikhanisha sa ematcha, nave munahiya itchu itokotoko sa malamulo, ti wi, wokololowa, ikharari, ororomeleya, ti hiha mwaphwanenlanyu otchariha, muhihin'yetho itchu ihe ikina. <sup>24</sup>Aholeli èvasi, nyu munamushasha tupusi nave munamira Ekhamila. <sup>25</sup>Otchilu ti wa nyuwo, alipa orepa ni afarisi, owoka! Nyuwo munamurapiha kopho ni eparatho vateru, muniha mpuwa mwanyu musaren'ye wiya ni oluluwa. <sup>26</sup>Mfarisi wé ohona! Opatchere orapiha mpuwa, wi nivatenevane ekhale yoréra. <sup>27</sup>Otchilu ti wa nyuwo, alipa orepa ni Afarisi, owoka! Munaphwanaphwana ni mahiye aheliwe ehava yawèla: vate anakhala wi tòrèa, nave mpuwa mwaya asareyamo makhuva amirutcho ni sothene sothanyeya. <sup>28</sup>Hihatho nyuwo, vate muri ntoko aphama vamithoni va atchu, nave mpuwa mwanyu mosareya owoka ni sònanara. <sup>29</sup>Motakhaliwa nyuwo, alipa orepa ni Afarisi, owoka! Munatekela alipa miririmu mahiye ni oreriha mahiye awokololowa murima, <sup>30</sup>Nave muni: niha nri elukuluku ya makholo ahu, hinikawenre onanariha mata ahu ntoko awo enraya, ewiphaka alipa a miririmu. <sup>31</sup>Munahelèla onamona vavi evelevelo ene nyuwo muri anamwane a yale awiphale alipa a miririmu. <sup>32</sup>Mwakhwanihe vano mphimo wa makholo anyu... <sup>33</sup>Inowa nyu, nloko na ivili, muni mutchawe hai othoriha wa omoroni? <sup>34</sup>Hiha kinnorumihelani alipa a miririmu, alipa a miruku ni òrepa..... nyuwo akina muna'wipha ni munamwathomeya vamwikimanyo, akina munamwawashula mmapuro ovekelamo mwanyu ni munarwa munan'wikara wa epoma ni epoma. <sup>35</sup>Vava munamukhalano nthowa na nikhami nothene na atchu awokololowa murima in'yeheriwe velaponi ya vathi, ovinya wa awokololowa Abel, ophiya Zacariya, mwana a Barakiya, mmwiphalanyu mpa mwa muluku, vèri va nipuro na wèla nnipuro na ephepa. <sup>36</sup>Velelevelo kinnoelani wi athu amutano, akhalano nthowa wa sothesene iha. <sup>37</sup>Yerusalemu, Yerusalemu, we onawipha alipa a miririmu ni onàvonya ni maluku yale orumiheliwawe! Ikwaha kavi kikhwenlaka wathukumanya anamwane à ntoko mwanakhu onathukumanyaiye ashana awe vathi va makuphelo awe, ni weyo hokhwenle. <sup>38</sup>Vano empanyu enamuthatuwa milepe. <sup>39</sup>Vawihhiha, kinnoelani: ovinya olelo himurwa mukòna ophiya nihiku muneranyu mwere: òrelihiwa tuwo onarwa wa nsins na apwiya.

## Chapter 24

<sup>1</sup>Yesu, akhumaka mpa mwa muluku, ohusera awe yàmwatshamela wi emuthonyere soteikiwa sa empa ya muluku. <sup>2</sup>Yesu àhi wa yawo: munnòna itchu sothene iha? Evelevelo miyo kinnoletani wivava hokhalavo nluku vasulu va nluku nni nihipitchuliwe. <sup>3</sup>Yesu akiranthé va mwako Oliveti, ohusera yàmwatshamela yaworu, elotchano eriki: munlèle: itchu iha inahala wereya lini? Nave tévi enenero ya orwa wanyu, ni omala wa elapo? <sup>4</sup>Yesu àhakhula: onani phama wi ahikhale oni owokeni. <sup>5</sup>Atchu antchipale anan'wa ekushe nsina naka, eriki: kristu ti miyo, nave awo anamwahuweliha atchu antchipale. <sup>6</sup>Munamwiwa sa ekhotcho ni olotchiwa wa ekhotcho; muhituthuwe, ikhotcho iho inamurwa, nave okutchuwa wa elapo hiwakunve. <sup>7</sup>Ntakhara nloko nnamurosha nloko nikina, nave omwene onamurosha omwene. Nave mmapuroni mothene onamukhalamo etala ni otchikinyeya wa elapo. <sup>8</sup>Itchu sothene iho ini ikhale mapatcherero a masoso ntoko a oyara. <sup>9</sup>Mwa elukuluku eyo anan'wonihani ekoi ni ann'wiphani, nave munamwichiwa ti maloko othene wa nthowa na nsina naka. <sup>10</sup>Antchipale a nyuwo anamukatchuliwa, akina ananvelelana ni witchana mukina ni mukhwawe. <sup>11</sup>Ananvinya alipa a miririmu owoka antchipale nave anamwahuweliha atchu antchipaletho. owoka. Wiwo oni okhalewo winla ni okhuriha minno. <sup>12</sup>Vanthowa na watcherereya waya sonanara, osivela watchu antchipale onamvukuwa. <sup>13</sup>Nave yole ani avilele ophiya omakutchwelo, onanvulushiwa. <sup>14</sup>Mitchaka yela ya omwene enamulaleiwa mwelaponi yothene yokhalamo atchu, wi iwerele onamona maloko othene. Vava teneraya ephiye makutchwelo. <sup>15</sup>Vano, mwarwa mona epahu yotoloshá emanke vanipuroni nawela elotchiwe ti mulipa a miririmu Daniel, owo awalakhanya iwe phama, <sup>16</sup>Yawo eni ekhale Oyudeya etchwewe omiyakoni. <sup>17</sup>Yole oni akhale vampani, ahikhuruwe wi arolele itchu sawe. <sup>18</sup>Ole oniakhale mmatchani ahikòkele otchuli wi akushe sowara sawe. <sup>19</sup>Otchilu ti wa athiyana mahiku yawo eni ephwanyawe erupanle ni emwamwihaka mwana! <sup>20</sup>Nvekeleke wi otchawa wanyu ohikhale mwa elukuluku ya eyita nari nihiku noworowa. <sup>21</sup>Ti wi elukuluku yeyo enamukhalavo ekoi etokotoko, ehintonko okhala ovinya nihiku nopatchera na elapo ophiya olelo, nari mano herwatho ekhala. <sup>22</sup>Mahiku ene yahàvukuliwe, havo ì avulushiwe. Nave, wa nthowa na othanliwa, mahiku yawo ananvukuliwa. <sup>23</sup>Vano, akhala oni ere wa nyuwo: Mone! Kristu ori va! Nari: ori vale, muhemerere. <sup>24</sup>Ananvinyatho owoka awisera kristu ni alipa miririmu owoka. Yawo anamwerano inenero ni sotikiniha itokotoko wi, wawereyavo, yahuwelietho othanliwa. <sup>25</sup>Onani, miyo kiholèlani. <sup>26</sup>Akhala oni ere: kristu ori otakhwani muhiyewo; nari: ori mwipitha, muhemerere. <sup>27</sup>Ophiya wa mwana a mutchu oni okhale ntoko overunya onarwaya onakhumawo nsuwa, ononeya ophiya wiwo nsuwa nnavolowayawo. <sup>28</sup>Oni okhalewo murutchu wiwo enathukumanayawo anakhuku. <sup>29</sup>Yamalakarú masoso a mahiku yale, nsuwa nnarwa nripa, mweri howa warya, itheneri inammora wirimu, ni ikuru sa wirimu inamutichikinyeya. <sup>30</sup>Hiha, wirimu onamoneyawo enenero ya mwana a mutchu nave maloko othene a vathi eni enammunlela. Emonaka mwana amutchu, awaka ahuruweliwe ni mahuruku a wirimu ni owera ni ovuwa otokotoko. <sup>31</sup>Owo onamwarumihá ankelo awe wi, yopaka nipenka ntokotoko, anamwathukumanya òthanliwa awe ovinya onapatchera elapo ophiya omakutchwelo aya. <sup>32</sup>Muhusere niphwanaphwaniho na mukùkhu. Mirai saya sarwela mithoma ni makukhu ephuwela, musuwele wi eyita yophiya. <sup>33</sup>Vamohamohatho nyuwo mona itchu sothene iha musuwele wi kristu ori vakhiviru, vamilako. <sup>34</sup>Evelevelo kinnoletani wi atchu yala a mutano hevinyavo sothene iha iheren'ye. <sup>35</sup>Erimu ni elapo ya vathi inanvira, nave masu aka hewa evira. <sup>36</sup>Havo mutchu onasuwele nihiku ni elukuluku itchu hiha inaphatchuwaya: nari mano ankelo a wirimu, nari mwana. Nave asuwenle T'atithi pahi. <sup>37</sup>Ntoko seren'yaya khalai mahiku a nowa, hihatho inamwereya ophiya wawe mwana a mutchu. <sup>38</sup>Owela wa mahi ohiphiyale, atchu yanatcha, yanawura, yanathela nave yanatheliwa, ophiya nihiku Nowa avolon'waiye mmwatshayani. <sup>39</sup>Ni hiyasuwela etchu ophiya owa wa mahi yatolonshe atchu othene; oni wereye hihatho owa wa mwana a mutchu. <sup>40</sup>Alopwana eli eri mmatchani, onamukushiwa mmoha, nave mukina ahiwe. <sup>41</sup>Enamwereyatho wi athiyana eli eshilaka, mmoha akushiwe, mukina ahiwe. <sup>42</sup>Vano m'weherereke, ntakhara himusuwenle nihiku eneraya ewe apwiyanyu. <sup>43</sup>Musuweletho ela: mwanene a vate asuwelaka nihiku mpava aneraiye awe, amm'wehereraka wi empawe ehikhuvuliwe. <sup>44</sup>Hiha nyuwotho mwiweherereke, ntakhara elukuluku yeyo muhinupuwelelanyu toneraiye awe mwana a mutchu. <sup>45</sup>Vano tani namuteko òroromeleya niawisuwela, pwiya we omuthanlilaiye wa anamuteko akina, wi àvahe yotcha mwa elukuluku yophwanelela? <sup>46</sup>òreriwa ti namuteko yole pwiya we awaka oneraiye amphwanye apharaka muteko awe. <sup>47</sup>Tchiri kinnoletani wi pwiya we onam'mwera mutokwene othokorora muhakhu awe wothene. <sup>48</sup>Nave namuteko yole akhala onanara murima, onamulotcha, ariki: pwiya onnalekelawo; <sup>49</sup>Apatchera wamana akhwawe, otcha ni owura ni atchu ohapaliwa. <sup>50</sup>Pwiya we onam'wa nihiku ohinam'wehereraiye ni elukuluku ohinasuwelaiye, <sup>51</sup>Amukhwanye veri, amukerihe onipuroni na yale

## Chapter 25

<sup>1</sup>Omwene wa wirimu onalikana ni asimwali khumi, yawo yakunshe ipanti saya emuthikireraka mulipa othela. <sup>2</sup>Athanu yari olosowa ni akina athanu yari a miruku. <sup>3</sup>Asimwali yale olosowa, ekushaka ipanti, hiyakun'shetho makhura makina. <sup>4</sup>Nave ale athanu amiruku, yakusha ipanti saya, ekushatho makina mmapotoroni mwaya. <sup>5</sup>Mulipa òthela ànalekela owa nave asimwali ale yàpatchera otuthela ni yàrupavo. <sup>6</sup>Ohiyu oriari wahiweya okhuwela: mulipa othela onnaphiya, khumani, mmuthikirere. <sup>7</sup>Asimwali othene yahuhumuwa, erehera ipanti saya. <sup>8</sup>Asimwali òlosowa yàhera wa yale a miruku eriki: nivaheni makhura anyu, wona wi ipanti sahu sinnatchipha. <sup>9</sup>Nave asimwali ale a miruku yàwakhula: hanakhwana wa nyuwo ni hiyo. Haweni wa alipa okuliha, mwakule awinyu. <sup>10</sup>Eyaka okula, mulipa ohela àphiya. Yale a miruku yavolowa vamoha ni mulipa othela, nsele niwaliwa. <sup>11</sup>Vomalihera yàphiya ale yàkele okula makhura ni yàhera: pwiya, pwiya, nihuleleni. <sup>12</sup>Owo àwakhula: evelevelo ene kinnoletani: nkosuwenteni. <sup>13</sup>Mwiweherereke wona wi hamusuwenle nihiku nari elukuluku ene. <sup>14</sup>Hihatho mulopwana mmoha apwahaka vate vawe àwitchana anamuteko awe ni àkawela muhakhu awe. <sup>15</sup>òpatchera àmunnyale italentu thanu, mukina italentu pili ni mukina etalentu emoha, ntoko owerwa wa mutchu ti mutchu. Ni àpwahavo. <sup>16</sup>Yole akhenle italentu thanu, vohilekela alapano apwanyeravotho ikina thanu. <sup>17</sup>Emohamohatho yole akhenle pili apwanyeravotho ikina pili. <sup>18</sup>Nave ole akhenle etalentu emoha àkatchela nlitchi, àvithavo ikhorowa sa apwiyawe. <sup>19</sup>Yamanlaya mahiku awatchene, mulopwana àkòka ni ahalakhanya ikhorowa vamoha ni anamuteko awe. <sup>20</sup>Yole akhenle italentu thanu àvelela wa apwiyawe ariki: pwiya, mwakinnyale italentu thanu, vano kinnonnyanitho ikina thanu kipwanyenrakavo. <sup>21</sup>Pwiyawe amwakhula, ariki: phama sene! Wanamuteko afama ni òroromeleya! Vawi wari ororomeleya nitchu vakhani, vano kinan'winyerera sintchipale. Wá, nikhale vamoha. <sup>22</sup>Aphiyakatho ole akhenle italentu pili, àhi: mwakinnyale italentu pili, vano kinnonnyanitho italentu ikina pili, kipwanyenrakavo. <sup>23</sup>Pwiyawe àmwakhula, ariki: phama sene! Wanamuteko afama ni ororomeleya ni itchu vakhani, vano kinnan'winyerera sintchipale. wá, nikhale vamoha. <sup>24</sup>Navetho àwa ole akhenle etalentu emoha ni alotcha ariki: pwiya, kihosuwelani wi mwa mutchu òlipa murima, onnahepha mummo ohanlawemo, ni onnathukumanya mummo ohimwaramwanrawemo. <sup>25</sup>kovelelaka kakatchela nlitchi muhakhu anyu. Yeyo mwakinnyalanyu, tila. <sup>26</sup>Nave pwiya àmwakhula ariki: weyo wa namuteko ònanara murima ni mulipa òporora! We wasuwela wi miyo kinnahhepha kihanlakamo ni kinnathukumanya kihimwaramwanrakamo. <sup>27</sup>Ntakhara sheni wahakerihawe mpa onakuhiwamo ikhorowa? Miyo kikonke, kammpanya ikhorowa saka ni yawatchereravo aya! <sup>28</sup>Vaholo vaya àlamula ariki: mwakheni etalentu eyo emoha, ni mmunye yole orino khumi: <sup>29</sup>Evelevelo miyo kinnoletani wi yole orino onanvahiwa ni onamwatchano; nave yole ohirino, onamwakhiwa yeletcho oraiyeno. <sup>30</sup>Wa namuteko ola òporora, muriheleni wiphini iwo! Wiwo onamukhalano wunla ni okhuriha minno. <sup>31</sup>Mwana a mutchu awa ni ntchitchimiho, vamoha ni ankelo othene, anawa akilathi vamunyukhuni vawe vomwene wa intchitchimiho. <sup>32</sup>Maloko othene anawa ethukumana vamithoni vawe ni yowo onamwamwalanya atchu, ntoko mukukhuli onamwalanyaye iputcheputche ni ipuri. <sup>33</sup>Onawa akuha iputcheputche omononi wolopwana ni ipuri omononi wothiyana. <sup>34</sup>Vava mwene owo onamulotcha ni yale amono wolopwana ariki: wàni nyuwo òrelihiwa a atithi aka, akhelani omwene woreheriwa wa nyuwano wopatcherani wa elapo. <sup>35</sup>Wona wi kàvoliwa etala ni nyuwo mwakivaha yotcha; kàkhalano ntchanana, nave mwakivaha mahi; kàri muletcho, nave nyuwo mwàkàkhela. <sup>36</sup>Nkarino yowara nave nyuwo mwakiwariha; kavoreiwa nave nyuwo mwàwa mukòna. <sup>37</sup>Vano atchu afama anawa emwakhula: pwiya nawonneni wowi muri ni etala nave novahani yotcha; nari ni ntchanana nòvahani mahi? <sup>38</sup>Nawonneni lini muri muletcho hiyo niwakhelani, nari muhirino yowara hiyo nowarihani? <sup>39</sup>Nawonneni lini mvoreiwaka, nari mukariposo, hiyo noshekurani? <sup>40</sup>Evelevelo kinnoletani wi yeyo mmwerenlanyu munnaka mmoha wa yala akhani, mukerenle miyo. <sup>41</sup>Vawihaha onamulotcha wa yale a mono wothiyana: Vinyanvo wa miyo, awulumeliwa, muye omoroni wohimala, opakeliwe satana ni ankelo awe. <sup>42</sup>Wona wi kàkhalano etala, nave hamwakivan'he yotcha; kàkalano ntchanana, nave hamwakivan'he mahi. <sup>43</sup>Kàri muletcho, nave hamwakàkhenle; nkarino yowara, nyuwo hamwakiwarin'he; kànavoreiwa ni kàri mukariposo, nave hamwakishekunre. <sup>44</sup>Navetho yawo anamwakhula: pwiya nawonneni lini nvoliwe nàri muri ninntchanana, nàri muri muletcho, nàri muhirino yowara, nvoreiwaka nàri muri mukariposo, nave hiyo nihokhaviherani? <sup>45</sup>Owo onamwakhula ariki: Evelevelo kinnoletani: mahiku othene muhimwerenlanyu munnaka mmoha wa yala akhani, muhikerenle miyo. <sup>46</sup>Yala anawa eya ekoi yohimala, ni atchu afama wa ekumi yohimala.

## Chapter 26

<sup>1</sup>Yesu amalin'haiye masu othene ala àhi wa ohuserawe: <sup>2</sup>Mòsuwela wi ahanle mahiku meli ophiya paska, ni mwana amutchu onanvelèliwa wi akhomeliwe vamwikimanyo. <sup>3</sup>Elukuluku yeyo asitokwene alipa ephepa ni aholeli a muloko yathukumana vate wa mulipa ephepa mutokotoko, nsina nawe Kaifàs. <sup>4</sup>Yalakana vamoha merelo omphara ni omwipha Yesu. <sup>5</sup>Yàhi: nave ehikhale elukuluku ya efesta, wi ohikhalevo mukhitcho wa atchu. <sup>6</sup>Yesu ari OBetània, vate va Simoni khalai ari a maretcha, <sup>7</sup>Amwatchamela yowo muthiyana arino nipotoro na makhura awunkhela ni òwalamela, nave ànamuyehera Yesu mmuruni, aniha Yesu ari va mesa. <sup>8</sup>Ohusera, yonnaya yela, yànanariwa ni yani: makhura ala anayeheriwani? <sup>9</sup>Wona wi awo yan'wera okulihiwa phama, ni ikhorowa sene ikaweliwe alipa òhawa. <sup>10</sup>Nave Yesu vawiwa masu yale àhi wa yawo: Munamukhulelani muthiyana ola? Evelevelo ola onakerela etchu yaphama. <sup>11</sup>Tiwi alipa òhawa eni enamukhala ni nyuwo mahiku othene, nave miyo nkinakhala ni nyuwo mahiku othene. <sup>12</sup>Ayeheraka mwili aka makhura awunkhela, muthiyana ola erenle ovithiwa waka. <sup>13</sup>Evelevelo kinnoelani wi wiwo eneraya elaleiwewo mitchaka hiha, mu elapo, yothene ya vathi, yela enraiye ola enamulotchiwa upuweliwaka yowo.. <sup>14</sup>Vano mmoha wa ohusera khumi na pili, nsina nawe Yudase Iskariote, àya wa asitokwene a alipa a mukutcho. <sup>15</sup>Nave ahakoha yawo ariki: munaya okivahani konnyani yowo? Awo yalakana omwinnya ikhorowa sa prata makhumi mararu. <sup>16</sup>Ovinya nihiku nenle Yudase Iskariote ànasa elukuluku yaphama wi anvelèle. <sup>17</sup>Nihiku nopatchera yatchiwa epau ehiliwe miropo, ohusera yamukoha Yesu eriki: munakhwela narehere wowi wi mmutchewo paska? <sup>18</sup>Yesu ahàkhula: muye opma, akhala muneranyu mumphwanye, nave mmulèle yowo wi muhusiha ahu ori: elukuluku aka ennaphiya. Kinahawela omwera paska vate vá ni ohuseraka. <sup>19</sup>Ohusera yàhera, yeyo ntoko arummaiye Yesu ni ymurehera paska. <sup>20</sup>Wilakavo Yesu àpatchera otcha ni ohuserawe khumi napili. <sup>21</sup>Etchaka hihale, Yesu alotcha wa yawo ariki: evelevelo kinnoelani wi mmoha a nyuwo muri vava, onamukivelela. <sup>22</sup>Ohusera yàthananasha, mmoha ni mmoha amukoha, ariki: akhweya ti miyo, pwiya? <sup>23</sup>Nave owo àhakhula: yowo onarera vamoha ni miyo mparathoni, t'oni akivelele. <sup>24</sup>Mwana a mutchu onampwaha ntoko irempwaya, nave òtepa otakhaliwa yowo oni anvelèle mwana a mutchu. Wa yowo wàri waphama ahiyariweru. <sup>25</sup>Vano Yudase, yowo i amukulihe, àmukoha: Muhusiha, wakhweya ti miyo? Nave Yesu amwakhula: à, we wolotcha. <sup>26</sup>Vano etchaka, Yesu àkusha epau, àrèliha, àmeya, ni àhavaha yawo ariki: kushani ni tchàni ela mwili aka. <sup>27</sup>Vano àkusha ekahi ni athamalela àhavaha ariki: wurani othene. <sup>28</sup>Ntakhara nla nikhami naka na watana, n'yehiwe wa nthowa na atchu antchipale nolevelela sotcheka. <sup>29</sup>Kinnoelani wi ovinya olelo nkiwa kiwura evinyu ela, ophiyera nihiku kineraka kiwure evinyu esyá ni nyuwo momweneni wa atithi. <sup>30</sup>Yipalaya ntchipo, yavinya eyaka omwako oliveti. <sup>31</sup>Vava Yesu alotcha wa yawo, ariki: ohiyu yola nyuwo othene munamukatchuliwa wa nthowa na miyo, vawi woremppwa: kinammwipha mukukhula wi muhuwo wa iputcheputche omwalamwale. <sup>32</sup>Nave kivinnyene wokhwani, kinamuhola, mwakiphwanye Ogalileya. <sup>33</sup>Nave Pedro amwakhula ariki: enàmwi othene ekhwatchuliwe wa nthowa nanyu, miyo nkiwa kikatchuliwa! <sup>34</sup>Yesu àmwakhula: evelevelo, kinnolela wi ohiyu walelo, muthupi ohakunve wipa we onahala okikotcha ikwaha raru. <sup>35</sup>Pedro àhakhula, i ! nari, erimwiwa kikhwe ni nyuwo, nkiwa kokhotchani. Ohusera othene yàlotcha emohamoha. <sup>36</sup>Vano Yesu àya ni ohuserawe onipuroni nsina naya Getsemani àhalela yawo ariki: mukirathi vava: miyo kiyaka ovekela iwe. <sup>37</sup>Amukunshaiye Pedro ni anamwane eli a Zebedayo, apatchera othananasha, murima omwinna. <sup>38</sup>Vava ahi wa yawo: othananana waka onamukipisha wokhwani mukhale vava, mm'wehereraka ni miyo. <sup>39</sup>Entchaiye vakhani ayaka oholo, àkokhora ni ùramela vathi, anavekela ariki: Tithi, yawereyaka, evire kihonne ekahi ela! Nave ohereye okhwela waka, nave okhwela wanyu. <sup>40</sup>Vano àkokela wa ohusera ni aphwanya erikimukona, vano àlotcha ni Pedro ariki hamunawera oweherera ni miyo ewora emoha ni miyo? <sup>41</sup>N'weherereke ni nvekeleke, wi muhuwelé mowokiwani. Munepa ti worehereyene, nave mwili ti wotchetcheya. <sup>42</sup>Apwaha wili wili nave anavekela ntoko wopatcherani ariki: Tithi, wahiwereyakavo wi ekahi evire kihiwunre, yereye ntoko okhwela wanyu. <sup>43</sup>Akòkela wa ohuserawe ni aphwannye ekonaka. Ntakhara mitho yanàlimela. <sup>44</sup>Ahahiya akokela ovekela ekwaha yaneraru akokelaka nivekelo nimoha nenlo. <sup>45</sup>Hiha, akokela wa ohusera yale, alotchano, i: Ninlelo munamukona? Mwitchuwaka? Vano yophiya elukuluku mwana a mutchu oneraiye avelilewe mmatani mwatchu otcheka. <sup>46</sup>Nvinye nnapwaha, yole onaya okivelela, onnatchamela. <sup>47</sup>Yesu alotchaka hiha, àphiya Yudase iscariote, mmoha wa ohusera ale khumi na pili, vamoha ni yowo yawa atchu antchipale ekunshe ikatana ni ikopo, erummwe t'asitokwene alipa a mukutcho ni asitokwene a elapo yele. <sup>48</sup>Tiwi yole anvelenle avaha enenero, ariki: yowo kineraka kimunule, ti yowo, mumphare. <sup>49</sup>Hiha arikimphiyaru Yudase amwatchamela Yesu ni àmulotchela ariki: moni muhusiha! Nave amunula. <sup>50</sup>Nthamwene were etchu wawelawe. Atchu yale yamphara Yesu, emmaka. <sup>51</sup>Mmoha way ale yari ni Yesu àhulula ekatana amphoreiha namalapa amutokwene alipa amukutcho, amukwasaka naru anwe. <sup>52</sup>Vano Yesu àlotcha ni mulipa okwasa ariki: kuha ekatana à, ntakhara atchu othene anaphoreiha ni ekatana, enahala ekhwetho ni ekatana. <sup>53</sup>Onupuwela wi

wakhweya nkinawera waveka atithi, wi hihano vava ekirumihele ankelo antchipale opwaha miloko khumi na pili? <sup>54</sup>Nave kerano hiha, ini ikhwaniheriwe hayi sorempwa, wi itchu iha sereye? <sup>55</sup>Elukuluku ene yele Yesu àlotcha wa atchu antchipale yawenle omphara ariki: nvinnye ni ikatana ni ikopo, murwelaka okiphara ntoko mpava? Mahiku othene kàkhala ni nyuwo kihusihaka mpa mwa muluk, muhikiphara. <sup>56</sup>Nave sothene iha inereya wi sereye sorempwa sa alipa miririmu. Vano ohusera othene yamuhiya etchawa. <sup>57</sup>Yale yamphanre Yesu, yàmukeriha wa Kaifás, mutokwene a alipa a mukutcho. Yathukumannayawo alipa òrepa ni asitokwene. <sup>58</sup>Pedro àmutchara aviraka worakamawo, ophiyera vatchatchoni va mutokwene àlipa a amukutcho. Nave avolon'waiye, akirathi vamoha ni anamalapa wi one etchu ele omala waya. <sup>59</sup>Asitokwene a alipa mukutcho, vamoha ni alipa òlotcha milatchu othene yàna etchu yomotherano Yesu, wi ehorihela okhwa wawe. <sup>60</sup>Nave hiyawera ophwanya etchu enamwi yarivo anamona awotha antchipale . vomalihera yàkhuma anamona eli yamusomela Yesu. <sup>61</sup>Eriki: ola alotcha i: miyo kinnawera omwara empa ya Muluku nave kikòke kiteke mahiku mararu. <sup>62</sup>Vava, avinya mulipa ephepa mutokotoko amukoha Yesu, ariki: honakhularu etchu sa yeyo atchu ala anosomelayano? <sup>63</sup>Nave Yesu hakhunle etchu, vano mutokwene a alipa amukutcho àlotcha ni Yesu ariki: kinnolipeliha wa nsina na Muluku wi onlèle wari weyo kristu. Mwana a Muluk! <sup>64</sup>Yesu àhakhula: ti hioha ntoko olontchawe, navetho kinnolela wi ovinya olelo munawa mmona mwana a mutchu akiranthe mono wolopwana wawarasha, ni awaka mmahurukuni. <sup>65</sup>Iwalaiye masu, ala mutokwene a alipa a amukutcho àhahula sowara sawe, ariki: oruwana! Ti sheni tho nnahawelahu niwasaka anamona? Mohiwa elukuluku yela oruwana wawe. <sup>66</sup>Munihayi? Othene yahakhula, onnaphwanela okhwa . <sup>67</sup>Hiha akina yànamutaphera, mara owanoni ni yanammana. Akina yananvaha mapurata. <sup>68</sup>Eriki: namiririmu we,kristu, onnlèle tani omanné? <sup>69</sup>Pedro era akiranthe vate, vatchatchoni, vano namuteko mmoha amwamuthiyana àmwatchamela Pedro ni alotcha ni yowo ariki: weyotho wàri ni Yesu muGalileya. <sup>70</sup>Nave Pedro akhotcha vamithoni wa atchu othene ariki: nari, nkisuwenele etchu yeyo onalotchawe. <sup>71</sup>Avinyavo atchamela vamilako, namuteko mukina amwamuthiyana amona, àlèla atchu yàri vavale, i: ola ari ni Yesu munaZareti. <sup>72</sup>Nave Pedro ahùlula alipelaka miyo nkimusuwenle mulopwana owo! <sup>73</sup>Ohilekenlevo, Atchu yaletho yari vavale yàmwatchamela Pedro ni yàhera yì: evelevelo weyotho ori wa nloko na yale yetcha ni Yesu; malotchelo à annosuwanyeiha! <sup>74</sup>Pedro alipela aruwanaka ariki: miyo kiri, nkimusuwenle mulopwana owo! Nave arikimmaliharuru, muthupi wàhipa. <sup>75</sup>Vava Pedro àhupuwela yeyo Yesu alontchaiye ariki: muthupi ohakunve wipa,weyo onamukikhotcha ikwaha raru. Aya okhwipi, aninla ni ososiwa murima

## Chapter 27

<sup>1</sup>Washilaya, asitokwene a alipa amukutcho, vamoha ni asitokwene othene yàthukumana wi evanele omwipha Yesu. <sup>2</sup>Vano yammaka emukeriha wa pilato, ari vanipuroni na mwene o Roma. <sup>3</sup>Yudase, yole anvelenle, onnaiye wi Yesu ahalakhanyeriwa okhwa, akhala ni akerehani. Vava akusha ikhorowa hiho sa prata makhumi mararu ayano wa alipa ephepa ni aholi. <sup>4</sup>i: kotcheka, vonnvelela wiphiwa mutchu ahi nthowa! Nave awo yamwakhula, yi: eyo tahi yawuhu, ti yawá. <sup>5</sup>Yudase owo àrihela ikhorowa ih empa mwa Muluku ni, avinyaka, àya iheya. <sup>6</sup>Nave asitokwene a alipa a mukutcho yàrola ikhorowa ihe ni yàlotcha eriki: tahi etchu yaphama opweshera ikhorowa ni muhakhu wa empa ya Muluku, ntakhara ikuliweno nikhami. <sup>7</sup>Yavanenlaya, yàkulano ematcha ya mulipa awupa miyapu, wi evithiwekevo anamawa. <sup>8</sup>Tivava ematcha eyo enitchaniwaya ematcha ya nikhami ophiyera olelo<sup>9</sup>Hihatho yàhereya masu a mulipa a miririmu Jeremiya wi : Yàkusha ikhorowa makhumi mararu, ikhorowa sa mulipa òkulihiwa. Ntoko anawisarayeleye yamukulihenrayavo. <sup>10</sup>Yàkulano ematcha ya mulipa awupa miyapu, ntoko apwiya yakirummaya. <sup>11</sup>Vano àkerihiwa vamithoni va Governadore pilato, nave yowo àmukoha ariki: Ti we mwene ayuda? Yesu ahakhula i: TI yeyo olontchawe. <sup>12</sup>Nave emusomelaka asitokwene a alipa amukutcho ni asitokwene a nloko, Yesu hakhula etchu. <sup>13</sup>Vano Pilato àmukoha ariki: honiwa sothene anosomelayano? <sup>14</sup>Nave Yesu hamwakhunle etchu nari emoharu mano. Tiva Pilato àtepa otikhina. <sup>15</sup>Iyàkha sothene wa mahiku a paska, Governadore àkhovelela omutaphula mulipa òphariwa mmoha, nloko na atchu namukhwelaya. <sup>16</sup>Vano, mahiku aphariwaiye Yesu, àkhalawo mulipa ophariwa òsuwanyeyasha, nsina nawe Baraba. <sup>17</sup>Vano Pilato ahakoha atchu yathukumanne i: munakhwela kitaphule ani, Baraba nari Yesu oniwa kristu? <sup>18</sup>Ntakhara Pilato ànasuwela wi yanvelenle Yesu wa nthowa na inrima. <sup>19</sup>Pilato akiranthe vanipuroni na milatchu, amwariye yàmurumihela mitchaka eriki: ohere etchu ni mutchu owo aphama, ntakhara olelo nkirere ohawa molohani wa nthowa na mutchu yowo. <sup>20</sup>Nave asitokwene a alipa a amukutcho vamoha ni asitokwene akina yàhasasera atchu othene, wi eveke otaphuliwa wa Baraba, nave wi iphiwe Yesu. <sup>21</sup>Pilato àhakoha ariki: wa eli ala, munakhwela wi kitaphule ani? Awo yahakhula: Baraba! <sup>22</sup>Vanotho àhakoha ariki: nki Yesu, oneriwa kristu, kimwereleni? Othene yàmwakhula yi: akhomeliwe vamwikimanyo! <sup>23</sup>Owo ahakohatho, ariki: yonanara tani enraiye? Nave awo yànvira enyakulaka, eriki: akhomeliwe vamwikimanyo <sup>24</sup>Vano onnaiye wi hawera wera etchu, nave atchu yànvira etepaka. Àveka mahi, ànyawa vamithoni va atchu othene ariki: miyo nkano nthowa nnikhami na mutchu ola. Mwereke munakhwelanyu. <sup>25</sup>Hiha muloko wothene wahakhula: nikhami nawe nnimorele hiyo ni anihu. <sup>26</sup>Pilato amutaphula Baraba. Arumatho wi Yesu awashuliwe ni àhannya akhotcho wi akhomeliwe va mwikimanyo. <sup>27</sup>Vano anakhotcho a Pilato yàmukusha Yesu emukeriha Opretòrio, nipuro nothoriha, nave wiwo yàthukumanya anakhotcho akina othene. <sup>28</sup>Yamurunlaya Yesu sowara sawe, yàn'wariha ekuwo yoshurumala. <sup>29</sup>Nave yàhupa ekhara yamiwa en'wariha mmuruni, mono wolopwana emphareliha ekopo. Nave yànakokhora vamithoni vawe enamuroha eriki: moni, mwene a ayuda! <sup>30</sup>Yànamutaphera mara, navetho ekushaka ekopo yele yànammana va muru. <sup>31</sup>Yamuron'haya, yàmurula ekuwo yele yoshurumala, en'wariha sowara sawe, ni emukusha enaya omukhomela vamwikimanyo. <sup>32</sup>Etchimulaka, yàmphwanya mulopwana o Sirene, nsina nawe Simoni ni yawo yàmpharela otesha mwikimanyo wa Yesu. <sup>33</sup>Yaphin'yaya vanipuroni niwa Golgota, ti wi nipuro na ekarakasa. <sup>34</sup>Yàn'wuriha evinyu yakanyeriwe ni wamwe; nmave owo, alawin'haiye, hakhwenle owura. <sup>35</sup>Yamalin'haya omukhomela vamwikimanyo, yàkawana sowara sawe yaseraka ekari. <sup>36</sup>Yàkirathi enan'weherera. <sup>37</sup>Osulu va muru vawe wàrempevevo nthowa na othorihiwa wawe: ola Ti Yesu Mwene a Ayuda. <sup>38</sup>Vamoha ni Yesu yàthomeiwa ampava eli, mmoha omononi awe wolopwana mukina wothiyana. <sup>39</sup>Atchu yavira yànamuruwana Yesu etchikinyaka muru. <sup>40</sup>Eriki: we onawera omwara empa ya Muluku, okòka oteka mahiku mararu, vano wivulushe! Wari mwana a Muluku, okhuruwevo vamwikimanyo! <sup>41</sup>Vamohamohatho asitokwene a alipa amukutcho, vamoha ni asitokwene a nloko ni alipa òrepa yànamuroha eriki: <sup>42</sup>òhavulusha atchu akina, nave hanawera wivulushe, ari mwene a w' sarayeleye akhuruwevo vano vamwikimanyo ni nammwemerera yowo. <sup>43</sup>Amuroromela Muluku, Muluku yowo anvulushe vano ari mwi amukhwelaka, ntoko alontchaiye ariki: miyo ka mwana a Muluku. <sup>44</sup>Navetho ampava ale yathomeiwe vamoha ni yowo yànamuruwana. <sup>45</sup>Ovinyera ekopma yothana ophiyera othitimana wa nsuwa, epiphi yàhuruwela elapo yothene. <sup>46</sup>Ewora ya neraru yoshekuwa Yesu àlotcha alipihaka: eli eli, làma sabakthani? Ti wi: Muluku aka, Muluku aka, mukinyanyaleni miyo? <sup>47</sup>Atchu yàri vavale, yamwiwalaya, yanalotcha eriki: onamwitchana Eliya. <sup>48</sup>Vano mmoha wa yawo atchimaka, aya akusha ntchotche ananiha nvinyuni yosukumana, amakelela vakoponi nave ànan'wuriha. <sup>49</sup>Nave akhwawe yànera: omuhiye, nimone Eliya ariki awe anvulushe! <sup>50</sup>Nave Yesu akhuwela alipihaka avelela munepa awe. <sup>51</sup>Elukuluku ene yeyo ekuwo ya mpa mwa Muluku yàhahuwa veri, ovinya osulu ophiyera vathi; elapo yatchikinyeya; maluku yàphweya; <sup>52</sup>Mahiye yàhuleya, nave mirutchu sintchipale sa atchu awéla murima sàvinya mokhwani. <sup>53</sup>Nave vokhuma mmahiyeni, kristu avinnyaiye mokhwani, yàvolowa mpoma wawela ni yàhoniwa t'atchu antchipale. <sup>54</sup>

Muholeli atropa ari vavale vamoha ni atropa awe yam'weherera Yesu, yonnaya otchikinyeya, wiwo wa elapo, nitchu ikina saphatchuwa, yàtepa wova, enalotcha, eriki: evelevelo, ola ari mwana a Muluku. <sup>55</sup>Yakhalavotho athiyana antchipale yona sothene, erekamenlevo; tiyawo yamutchara Yesu ovinya OGalileya wi enamukhavihera. <sup>56</sup>Mwa yawo, yàri Maria Magadala, Maria amannya Yakobo ni Yosefe, ni Amayi aya anamwane a Zebedayo. <sup>57</sup>Wlakavo aphiya mulopwana amuhakhu, Yosefe, aw'Arimateya, ari ohuseratho a Yesu. <sup>58</sup>Owo àya wa Pilato ni ànveka mwili wa Yesu, ni Pilato alamulela wi annyiwe. <sup>59</sup>Vano Yosefe àkusha mwili wa Yesu, àhuruwela ni ekuwo yorèra. <sup>60</sup>Nave àmukuha munihiyeni nsani nakatchiwe va mwala. Oholo waya àpitchulelawo nluku ntokotoko ni àrowa. <sup>61</sup>Maria Magadala, ni Maria mukina yàri vavale, ekiranthe oholo va nihiye. <sup>62</sup>Mmeloni mwaya, tiwi nihiku noworowa, yàthukumana asitokwene alipa ephepa vamoha ni Afarisi wi yalotche ni Pilato. <sup>63</sup>Yàhi: Pwiya, nohupuwela wi namawoka ole ari mukumi, alotcha ariki: yavira mahiku mararu kinahala ovinya wokhwani. <sup>64</sup>Hiha ninnovekani wi mwarume atropa anyu wi yaweherereke nihiye nlo ophiya nihiye naneraru, wi ohusera awe ehiwe emwiyewo, ekoke yalèleke atchu: òvinya mokhwani. Hiha owoka wokutchula onahala otepa opwaha wopatchera. <sup>65</sup>Pilato awakhula ariki: ala, alipa owehera awo; mwakushe yanaweherera ntoko munakhwelanyu. <sup>66</sup>Vava yapwaha vamoha ni alipa owehera yale, yahiya vanihiyeni vavale, ehelavo enenero vanlukuni

## Chapter 28

<sup>1</sup>Navinraya nihiku noworowa nihiku nopatchera na esemana, oyaka nusha, Maria Magadala,vamoha ni Maria mukina yaya oshekura nihiye. <sup>2</sup>Motutusha elapo yatchikinyeya vatokotoko, munkelo a apwiya akhuruwaka wirimu. Awa apirikisha nluku na nihiye, akirathela. ...<sup>3</sup>Ethoi awe yàri ntoko overunya, nave sowara sawe sari sawèla ntoko mutcharapo. <sup>4</sup>Atchu yale yaweherera, yamonnaya, yàpatchera othukumela, nave ekhala ntoko òkhwa.<sup>5</sup>Nave munkelo ole àlotcha ni àhalèla athiyana ale ariki: muhòve! Kòsuwela wi munamwasa Yesu akhomeliwe vamwikimanyo. <sup>6</sup>Yowo òvinya mokhwani, ntoko alontchaiye: vā hamomo. Muwe mone nipuro nene akuhiwaiyemo. <sup>7</sup>Vano, mwakuveke, mwalele ohusera awe wi ovihiwa wokhwani, owo ohòla, onaya OGalileya. Wiwo munammona. Miyo, kiholèlani. <sup>8</sup>Athiyana yale yahakuva ovinyawo onihiyeni, yovaka, ehakalalaka vatokotoko. Yàtchimaka eya yalèla ohusera awe. <sup>9</sup>Motutusha Yesu, ahathikilela yawo alotchela, ariki: Moni! Vavá yàmwatshamela,emphara inani, enamutshitchimiha. <sup>10</sup>Yesu àlotchano yawo i: muhòve! Muwe mwalele asinnaka wi eye OGalileya.wiwo anamukònwawo.<sup>11</sup> Athiyana eyaka mumphironi, akina alipa oweherera yàya opoma yalèla asitokwene a alipa amukutcho sothesene seren'ye. <sup>12</sup>Ala yathukumannaya vamoha ni asitokwene a muloko, ni yavanelaya ni yawo, yàhava atoropa ikhorowa sintchipale. <sup>13</sup>Yalèla eriki: mulotcheke hiyo nikonaka, àwa ohiyu ohusera awe emwiya.<sup>14</sup>Mulipa olamulela iwa sa yeyo, nnamuleketcha niwakiheni. <sup>15</sup>Yawo yàkusha ikhorowa ni yàhera ntoko yalèliwaya. Nave mitchaka hiha sinnawuwihwa mwa Ayuda ophiyera olelo. <sup>16</sup>Yale khumi na mmoha yàvinya eyaka OGalileya, omwako Yesu athonyenriyewo. <sup>17</sup>Yamonnaya, yàkokhora vamithoni wawe, nave akina yàkhwa minikwa.<sup>18</sup>Vano Yesu àwatchamela ni àlotcha ni yawo ariki: kòvahiwa ikuru sothene, wirimu ni vathiva. <sup>19</sup>Haweni wa atchu a maloko othene, mwapakeke ohusera ka, munapatisa munsina na atithi, namwana ni namunepa wawela. ilukuluku.<sup>20</sup>Nave munahusiha otchariha sothene korummakani. Tchiri, miyo kiri ni nyuwo mahiku othene ophiyera makutshuwelo a

## Mark

## Chapter 1

<sup>1</sup>Ala mapatcherero a mitchaka yaphama ya yesu kristu, mwana a muluku. <sup>2</sup>Ntoko orempwaya mulivro a mulipa a miririmo yesaya" kinammurumiha murummuwaka vaholo vÁ, yowo onahala orehera mphiro Á. <sup>3</sup>"Masu a okhuwela mutakwani reherani ephiro ya apwiya, okolani miphirosawe."<sup>4</sup>Akhuma yohani mpatisa mutakwani alaleyaka sa obatiso wa orukununusha murima wi sikhurumuveliwe sotcheke. <sup>5</sup>Yakhuma atchu othene Óyudeya ni othene oyerusalemo wi yampwanhe yowo, yawo yanabatisiwa ti yowo omuhitcheni yordano, elokohaka sotcheke saya. <sup>6</sup>Yohani awara mapururu a ekamila, Amaka ni mutcheke wa eworo muyununi oravo wamutakwani.<sup>7</sup>Annalalera ariki oholowaka onamwa yowo ori mutokotoko okipwaha miyo miyo nkipwanenle wurama wi kitaphule mi koisa isapato sawe. <sup>8</sup>miyo kinopatisani ni mahi, nave yowo onarwa Obatisani ni munepa wawela.<sup>9</sup>Mahiku yawo yesu avina onazarete ogalileya, abatisiwa ni yohani muhitche yordano. <sup>10</sup>Ariki, muruwa mmahini yesu anona wirimo ohuleni yewo munepa wawela,omukhuruwelaka ntoko ekaka i ya. <sup>11</sup>Nakhuma nsuni wirimo nriki we wamwanaka okhwele yasha. Mwa yowo kinahakalalakano<sup>12</sup>Mwa wakuve ya munepa wa mukeriha otakwani: <sup>13</sup>Yowo ari mutakwani mahiku makhumi masheshere ereriwaka nizatana ari vamoha inama samutakwani, Ankelo yanamurumela.<sup>14</sup>Avinhaka yohani mbatisi a phariwaiye, yesu a vinha a yaka ogalileya, alaleyaka mitchaka saphama sa omwene wamuluko. <sup>15</sup>Ariki: "Elukuluku yohakwanela, omwenewa muluku wohatchamela.Rukunushani mirima nave roromelani mitchaka yaphama."<sup>16</sup>Nawe É tchaka mushereshere wa ephareya yogalileya, awna simone nimunnawe andreya e reyaka matchavi mphareya, nthowa nawi yari atchu otoha ihopa. <sup>17</sup>Yesu alotchani yawo ariki:"kitchareni kiwereni alipa awatotha atchu."<sup>18</sup>Mwawakuveya yahiya matchavi aya emutchara yesu.<sup>19</sup>Nave eyaka oholo yesu Ámona yakobo, mwana a zebedeu, ni munnawe yohani, yari mmwatcheyani emakaka matchavi aya. <sup>20</sup>Nave awitchana yawo tho. Yahahiya atithaya zebedeu mmwatcheyani ni anamalapa aya emutchara yowo.<sup>21</sup>Nave yaphinyaya nave yaphinyaya okafarnao, nihiku noworwa avollowa empa yovekelamo anahusiha. <sup>22</sup>Vawi atcha yatikhinani ehushihero awe, wavi ahusiha ni owerwa otokwene, tahi alipa orepa awo.<sup>23</sup>Mwempa yele yovekelamo akhalamo mulopwana mmoha amakiwe ni munepa wonanara anhakunle ariki: <sup>24</sup>"nri ni heni nyuwo yesu munazarayo? Mwawela ontowosha hiyo? Miyo kihosuwelani nyuwo mwa awela a muluku. <sup>25</sup>Yesu asamela munepa yole wonanara ariki:" mala khumawa mutchu!"<sup>26</sup>Vava munepa yolew wamutshikinha okhuwelasha, okhumamo, omuhiya.<sup>27</sup>Atchu yari vavale yatikhina

ni yannakohana eriki tiheni yela?" mahusihero masani arinono tkuru analamulela minepa sonanara, ni iho sinamwiwelela", <sup>28</sup>Nave o vuwa wawe waha kuva omwalamwala elapo yothene ya ogalileya. <sup>29</sup>Yesu avinhaliye mumpa yovekelamo aya owani wa simoni ni andreya, aholiwaka ti yohane ni yakobo. <sup>30</sup>Nave aponkosi asimoni pedro yari vamwinlini evoreiwaka oviha mwili. Mwawakuva yamulela yesu. <sup>31</sup>Nave yesu awatchamela aphara ntata, oviha mwili wamalela, evinha emuruwela. <sup>32</sup>Oshekuwakavo, nsuwa nnenle, atchuyamuruhela yesu othene ovoreiwa omakiwa ti minepa sonanara. <sup>33</sup>Atchu othene epoma yele yathukumana vamilako. <sup>34</sup>Yesu ahapenusha ovoreiwa anthipale, a iretcha sohiyanahiyana. Ahikaratho minepa sintchipale sonanara, hemerenre wiminepa hihe ilotche, vawi samusuwela <sup>35</sup>Oyaka nusha yesu avinha aya otakwani ohimaki wewo anavekela wiwo. <sup>36</sup>Nave simoni ni akwawe yanamwasa. <sup>37</sup>Yampuanyaya, yalotchano, eriki:" Atchu othene anna wasani. " <sup>38</sup>Nave yesu ahakhula ariki" hankoniniye okina. Niyeitchoko sokhuvela wi kalalere mitchaka wona wi tiyeyo ene kiwenlaka." <sup>39</sup>Nave aya mwitchokoni yogalileya wothene alaleraka mwipa sothene sovekelamo <sup>40</sup>Nave ampwanha yesu mutchu ovoreiwa marecha amukokhorela ariki:" pwiya, mwakwelaka okipenusha mokhalano ikuru sokipenu shano." <sup>41</sup>Nave yesu amoriwa ikharari ahokola ntata, amutannya ni ahi:" kinnakwela penuwa." <sup>42</sup>Elukuluku ene yeyo marecha yammalela. <sup>43</sup>Nave yesu amulopolasha amurowiha mwawakuveya, ariki:" <sup>44</sup>Ahikhale onerawe omulele, oye waisoneihe wa mulipa, ephepa ni ovahe yovelela a vanthowa na openuwa wa yele monse olamulenliye wi yeyo ekhale onamona wa atchu yawo. " <sup>45</sup>Nave yesu amulopolasha amurowiha mwawakuveya, ariki:" <sup>44</sup>Ahikhale onerawe omulele, oye waisoneihe wa mulipa, ephepa ni ovahe yovelela a vanthowa na openuwa wa yele monse olamulenliye wi yeyo ekhale onamona wa atchu yawo."

## Chapter 2

<sup>1</sup>Akokenliye okolar a nawu , evenenrevo mahiku vavuwa wi awa ari owani. <sup>2</sup>hilia, a ntchipale vatheukumana wiwo nave hiyarivo nipuro, nari vamilaka nave yesu analaleya mitchaka yaphama.<sup>3</sup>Akina yarya wa yesu, atchu asheshe emutenshe mulopwana orakala. <sup>4</sup>Nave hiyawerya ophiya vakhiviru vawe vanthowa na watchu atchu. Nave, yamwarya vasulo vampa yesu ariyemo nave, emwaryeniyo yakurusha Nrepa nlnlo mulopwana awitcheliwa akamiyevo.<sup>5</sup>Onniye nrromelo Naya yesu ahiwa mulopwana owo orakala” Mwamaka sotcha sa sokhurumuveliwa” <sup>6</sup>Nave yakhalavo alipa orepa malamulo ekiranthe yamupuwela mmirimani mwaya:  
<sup>7</sup>Onawereya hayi mulopwana ola olotcheke mwawihhi? Ole onamunyemulo muluku! Tani onakhurumuvela sotcheka ahiri muluku?<sup>8</sup> Mwawakuva yesu asuwela mmunepanu mwawe yeyo yupuwelaya mirima ni mwaya? ahi: “nthowa heni munupuwelelanya mmirimani mwanya? <sup>9</sup>Tiheni yokheya olotcha wa mulopwana orakala: sotcheka sá sokhurumuveliwa! Nari olotcha yinya oteshe nrepa ná wetche?<sup>10</sup>Vano wi musuwele wi mwana a mutchu oklalano owerya velaponi okhuru muwela sotcheka,” Ahi wa mulipa orakala: <sup>11</sup>Miyo kini! Vinya oteshe nrepa ná orake. <sup>12</sup>Vawo avinha mwawakuva atesha nrepa nawe akhuma mpa vamithoni wa otchu othene, nave othene yatkiniheya, nave yamutchitchimiha muluku, nave: yalotcha eriki hanntonko wona etchu siyela. <sup>1413</sup>Yowo akhuma wanawili oya mushereshere mwa epareya, Nave atchu othene yaya wa yowo, nave yowo anahusiha.